

9606

1912

333-A

G-38

ՀԱՅ ԳԻՒՂԻ ՔԱՐԱՅԱՆՔԵՐԸ

ԵՒ

ՕՆՆԻԿ ԷՖ. ՏԵՐՈՒՆԵԱՆ

ԳՐԾՑ

ՍԵՊՏԵՄԲԵՐ 2000 ՆԱԻԱՍՏԱՐԳԵԱՆ

2000

361

333.9
G-38

ՑԳԱՐԱՆ (ՇԱՆԻ)
Կ. ՊՈԼԻՍ
1912

333.9

-38

25

Printed in Turkey

ՀԱՅ ԳԻՒՂԻ ՔԱՐԱՅԱՆՔԵՐԸ

ԵՒ

ՕՆՆԻԿ ԷՔ. ՏԵՐՈՒՆԵԱՆ

ԳՐԵՑ

ՍԵՊՈՒՀ ԵՄՍՏԱՐԳԵԱՆ

ՏՊԱՐԱՆ (ՇԱՆՐ)

Կ. ՊՈԼԻՍ

1912

7010

7917



Պանտրմայի թեմերէն Հայ Գիւղի քարահանքերու խնդիրը բաւական ժամանակէ ի վեր կ'զբաղեցնէ Ազգ. Պատրիարքարանը, տեղւոյն Առաջնորդարանը և երբեմն թերթերը :

Վերջին անգամ այդ քարահանքերը շահագործելու ձեռնարկած էր Պօլսոյ վաճառականներէն Օննիկ Էֆ. Տէրունեան, բայց Տէրունեան Էֆէնտի, շահագործման ընթացքին դիմեց այն տեսակ անարդար միջոցներու, որոնք ո՛չ միայն կը վտանգէին զիւղացւոց ու եկեղեցւոյն շահերը, այլև բոլորովին կը հակասէին իր յանձնառութեանց և իրինքած պայմանագրին :

Տէրունեան Էֆէնտիի այս ընթացքը, ինչպէս պիտի հաստատուի ստորեւ, փճացուց խեղճ զիւղացի աշխատաւորներուն և Հայ Գիւղի եկեղեցւոյն անբռնաբարելի ու նուիրական իրաւունքները : Այնպէս որ, հակառակ զիս իրեն կապող նիւթական նկատումներու, ստիպուեցայ հակառակել իր անարդար պահանջումներուն և պաշտպանել գործաւորներուն ու եկեղեցւոյն վտանգուած իրաւունքները : Բայց անա Տէրունեան Էֆ. ուրիշ միջոցի մը դիմեց, աշխատելով Պօլսոյ Ազգ. շրջանակներուն մէջ զիս վարկաբեկելու՝ կարգ մը անտեղի ամբաստանութիւններով և զրպարտութիւններով : Ուստի հարկադրուեցայ բուն խնդիրը և անոր իրադարձութիւնները փաստերով պարզել հրապարակաւ և հանրութեան դատաստանին ներկայացնել :

Պանտրմա-Պալքթէսէր միացեալ վիճակներու Առաջնորդ Գեր. Տ. Կարապետ Եպիսկոպոս Մաղլըմեան 7 Մայիս 1907 թուակիր պաշտօնագրով մը կը յանձնարարէր ինձ որ Հայ Գիւղի քարահանքերու ծանօթ խնդրոյն նկատմամբ հարկ եղած քննութիւնը կատարելով՝ յայտնեմ իմ գոյացուցած համոզումս թէ՛ այդ խնդրոյն մէջ իրաւունքը ո՞ր կողմինն է, զիւղացւոց թէ՛ Գութօ եղբարց :

Նորին Սրբազնութեան հանդէպ ունեցած մասնաւոր յարգանքս և աղայ հասակէս զիւղացւոց շատերուն հետ բարեկամական յարաբերութիւնս և մանաւանդ խնդրոյն նիւթական և բարոյական տեսակէտով ստացած կարեւորութիւնը պարտաւորեցին զիս այս մասին երկար և մանրազնին քննութիւն կատարել : Բայց կատարեալ համոզում գոյացնելու համար հարկ էր ի ձեռին ունենալ այդ խնդրոյն վերաբերեալ բոլոր պաշտօնական թուղթերը, արձանագրութեանց պատճէկներն, ևն. : Յաւ է ըսել որ պաշտօնական թղթերու կարեւոր



167
40

մասը կը պակսէր, մաս մ'ալ հոս հոն այլ և այլ անձերու ձեռք անխորհրդամ թողուած էր: Արդ, կը մնար ինձ կանխաւ այդ բոլորը հաւաքել, կարգի դնել և ըստ այնմ քննել:

Հարկ էր ձեռք բերել Պանտրմայի, Էրտէկի, Պալլքէսէրի և Պրուսայի վարչական ժողովներու կողմէ այդ խնդրոյն մասին այլ այլ ժամանակներու մէջ տրուած որոշումները, նախնական, վերաքննիչ և վճռալինչ գատարաններու վճռագրերը, անտառաց, ներքին գործոց և կալուածոց նախարարութեանց հրամանագրերու պատճէնները, քննիչ մարմնոց և երկրաչափներուն տուած տեղեկագրերը, քարտէսները, քաբուի իլուստրացիոնները և երկու հակառակորդաց միջեւ փոխանակուած բողոքագրերը, նամակները և ուրիշ բազմաթիւ թղթեր:

Պաշտօնագրերէն անկարեւոր մաս մը հազիւ կարելի եղաւ հաւաքել. կարեւորները կորսուած էին. ուստի, անդադար երթեկեկելով և մեծ դժուարութեանց բաղխելով, իւրաքանչիւր պաշտօնատուէն ձեռք բերի վաւերացեալ պատճէններ, մօտաւորապէս 15 կտոր:

Խնդիրը այն աստիճան կնճռոտած էր որ 1907 Ապրիլէն մինչեւ 1909 Մայիս հազիւ հազ կրցայ աւարտել հետախուզութիւններս և անոնց վրայ հարկ եղած քննութիւնները:

Արդէն քսան տարիներէ ի վեր այդ քարահանքերը խնդրոյ և դատավարութեան առարկայ եղած էին մէկ կողմէ գիւղացւոց, և միւս կողմէ Գարապէլլայի, Մօրթմանի և Գութօ եղբայր միջեւ, ուրոնցմէ իւրաքանչիւրը կը ներկայանար իրր աէր քարահանքերուն:

Ձեռք բերուած պաշտօնագրիները, արձանագրութիւնները մի առ մի քննելով համոզուեցայ որ իրաւունքը չիմուովին գիւղացւոց կողմնէ թէեւ, բայց իրենց հակառակորդներուն զօրաւոր ոյժը, որ աւելի անպարտելի կը դառնար նախորդ բէժիմին կողմէ օտարականներու ընծայուած բարեացակամութեամբ, շատ դժուարին, գրեթէ անկարելի կը դարձնէր գիւղացւոց իրաւունքներուն պաշտպանութիւնը:

Պէտք է մտածել որ գիւղացւոց հակառակորդները պանքէր, օտարաշատակ և ազգեցիկ էին, իսկ գիւղացիները՝ մանաւանդ հին բէժիմի օրերուն, թէ գիւղացի, թէ աղքատ, թէ օսմ. հպատակ և թէ մանաւանդ Հայ էին...

Եւ սակայն Հայ Գիւղի քարահանքերու խնդիրը նոյն գիւղացւոց համար մահու և կենաց խնդիր մըն էր, որովհետեւ ափ մը մշակելի հող չունին, եղածները քանի մը այգիներ և թթաստաններ են միայն, որոնք բնակիչներուն թիւին հետ բողոքատմամբ անբաւական են: Իրենց գլխաւոր ապրուստի միջոցն են քարահանքերը:

Խեղճ գիւղացիները, 1889-1902 ամբողջ 13 տարի յիշեալ ոսնձգութեան դէմ մաքառելով և մօտ 8—900 ոսկի ծախսելով հան-

դերձ չէին կրցած կասեցնել այն նիւթական ու բարոյական զօրաւոր ոյժը որ կը ցցուէր իրենց դէմ. միւս կողմէ, վերոյիշեալ շահագործողներուն մեքենայութեանց շնորհիւ գիւղին մէջ ալ առաջ եկած երկպառակութիւններէն ու խռովութիւններէն ձանձրանալով, 1902ին ստիպուած էին Գութօ եղբայրց հետ իրաւախօսութեան գալ և պայմանագիր մը կնքել:

Եօթը տարուան համար կնքուած այս պայմանագրութեան համաձայն, գիւղացիք յանձն առած էին Պ. Գութօի ծախել իրենց չինած բախք քարերը: Գութօ եղբայրց նաեւ յանձնառու էին գործաւորներու աշխատավարձէն զատ իւրաքանչիւր քարի համար մէկ փարա տալ գիւղին եկեղեցւոյն:

Սոյն պայմանագրութեան վրայ՝ մինչեւ 1909 Մայիս վերջ՝ երկու կողմն ալ անհամաձայնութիւններն ու դատավարութիւնները դադրեցուցած էին, սակայն՝ Գութօ եղբայրք գիւղացիներէն մաս մը ո՛ր է է կերպով իրենց կողմը շահելով, առաջին ատիւ իսկ, հակառակ իրենց յանձնառութեան, և շնորհիւ իրենց վայելած ազգեցութեան, հարկադրած էին գիւղացիները որպէս զի փոխանակ տասը փարայի ինչպէս պայմանագրուած էր, վեց փարայի ծախեն քարերը, և յաջողած ալ էին:

Պայճանեալ ժամանակէն երկու տարի առաջ, Գութօ եղբայրները կ'առաջարկեն նորոգել պայմանագրութիւնը և պայմանաժամը երկարել: Բնականաբար՝ իրենց կուսակիցները կը համակերպին և կը ջանան միւսներուն ալ ընդունիլ տալ, բայց քարակոխներէն մեծագոյն մասը՝ արդէն բերանին այրած՝ կ'ուզեն մերժել. միւսներն աւտեն կը տատամսին ալ, խորհելով որ եթէ չհամակերպին, նորէն պիտի սկսին երբեմնի երկպառակութիւնները, և անոնց հետ ալ Գութօներու դէմ մղուած դատավարութիւնը որուն ելքը անորոշ էր իրենց համար: Չէ՞ որ Գութօները ամենագոր էին. անշուշտ հնար մը պիտի գտնէին իրենց կողմը շահելու հին բէժիմին բռնակալ կառավարութիւնը. և այն ատե՛ն... այդ կառավարութեան մէկ քմա-հաճոյքը կրնար անսկաւոս ոսնակիս ընել նոյն իսկ ամէնէն նուիրական և ամէնէն անհերքելի իրաւունքը:

Ահա այդ միջոցին է որ Առաջնորդ Գեր. Տ. Կարապետ Սըբազան կը գրէր ինձ վերոյիշեալ նամակը և կը փափաքէր իմ կարծիքս ունենալ սա երկու հարցերու մասին. — Գութօներուն հետ ո՛ր է է կերպով համաձայնիլը, թէ մերժելով անոնց առաջարկը, աւելի նպաստաւոր պայմաններով ուրիշ վաճառականի մը հետ պայմանաւորուելը օգտակար պիտի ըլլար գիւղին:

Արդարեւ ուրիշ վաճառականի մը հետ պայմանաւորուելը գիւղացիներուն համար խիստ օգտակար պիտի ըլլար, սակայն Գութօ

եղբարք իրենց առջի պահանջումներուն վրայ պնդելով դարձեալ խեղճերուն գլխուն փորձանք պիտի ըլլային, անվերջանալի դատաւարութեանց դուռ պիտի բացուէր, և ով գիտէ խնդիրը ո՞ւր պիտի յանդէր:

Գութօ եղբարց հետ պէտք էր կամ համաձայնիլ և կամ բոլորովին մերժել իրենց ամէն պահանջումները. անշուշտ եթէ խնդիրը ի նպատակ գիւղացիներուն յաջողցնելու վստահ ըլլայինք: Տարակոյս չկայ որ այս վերջին եղանակն էր լուսադոյնը, որովհետև այդ միայն կրնար ապահովել գիւղացւոց և եկեղեցւոյն շահերը: Մինչդեռ պայմանագրութեան նորոգումը և պայմանափոխին երկարածքագումը՝ դատին կորուստէն աւելի աղէտալի չըլլալով հանդերձ, թէ եկեղեցւոյն և թէ գիւղացւոց համար վնասակար էր:

Իրաց այս վիճակին մէջ թէ Առաջնորդ Սրբազանը և թէ՛ գիւղացիք ակնդէտ կ'սպասէին թէ վերոյիշեալ երկու միջոցներէն ո՞րը պիտի նախընտրեմ:

Խիստ փափուկ և վստահաւոր զիրքի մը մէջ էի, որովհետև գիւղի մը ժողովուրդն ու եկեղեցին իմ ձեռքովս կամ պիտի աղատուէին գերութենէ և կամ յետին թշուառութեան պիտի մատնուէին: Իմ կացութիւնս դժուարին կը դառնար անոր համար մտնաւանդ որ յաջողութեան մը պարագային ոչ մէկ նիւթական կամ բարոյական ապահով վարձք պիտի ստանայի, մինչդեռ, եթէ դատը կորսնցնէինք, անվրէպ իմ վրաս պիտի կուտակուէր իրենց իրաւունքէն զրկուած և յետին թշուառութեան մատնուած գիւղացւոց, և անոնց հետ ալ մամուլին ու հանրային կարծիքին անէձքն ու լուտանքը:

Կատարած քննութիւններս սկիզբէն ի վեր ամէնէն դադանի պահելու ստիպուած էի, որովհետև հակառակորդ կողմը լսելով անշուշտ խոչընդոտներ պիտի հանէր և պիտի չժողուր որ քննութիւններս առաջ տանէի և կամ արձանագրութեանց և որոշումներու պատճէնները ձեռք բերէի: Ի վերջոյ հակառակորդները երբ իմացան որ վերոյիշեալ քարահանքերու խնդիրը իմ կողմէ կը քննուի, և պայմանագրութիւնը նորոգելու կամ մերժելու հարցը իմ կամքին թողուած է. Գարապէլլայի (որ այն ատեն ողջ էր) և գիւղին մէջ բնակող Միրասեղտեան Մկրտիչ էֆ. ի միջոցաւ ինձ գիմեցին որ գիւղացիները համոզեմ և պայմանագրութիւնը նորոգուի: Միևնորոյ ատեն կ'աշխատէին նաև զիս համոզել որ իրենք կատարեալ իրաւունք ունին արդէն:

Ստուգիւ, ինչպէս որ վերև յայտնեցի, գիւղացիք կատարեալ իրաւունք ունենալով հանդերձ, նախորդ բէժիմին օրով որ և իցէ կերպով չէին յաջողեր, այսինքն գիւղացւոց տրուած արտօնազէրն ու քափուի իմուխապիւրները Պրուսայի վարչական ժողովի

որոշումով ջնջուած և խնդիրը երկու անգամ դատական շրջանակներէ անցած, ու վերջնական եղրակացութեան մը չէր յանգած: Ասանցմէ գատ Պատրիարքարանի մէջ այս խնդրոյն վերաբերեալ թողութեուն հետ կը գանուէր տեղեկագիր մը (*) նախկին Քաղ. Ժողովի անդամներէն փաստաբանի մը կողմէ տրուած, ուր ըսուած էր թէ գիւղացիք անիրաւ են, և թէ այս դատը չի կրնար ի նպատակ անոնց շահուիլ:

Ասկէ համոզուելով՝ գիւղացւոց մէկ կարեւոր մասը, առարկելով թէ Գութօնները իրաւունք ունին ամէն պարագայի մէջ, պայմանագրութիւնը նորոգելու համամիտ գտնուած եւ ոմանք մինչև իսկ ստորագրած էին:

Իմ համոզումս միշտ այն եղած էր որ եթէ յամառ ու անվնաս կերպով մը աշխատուէր, Գութօնները, հակառակ իրենց բովանդակ ազդեցութեան և կողմնակի միջոցներուն, չէին կրնար գիւղացւոց ու եկեղեցւոյն նուիրական իրաւունքները կապտել: Ես գործէն չէի յուսահատած սկիզբէն, և կ'աշխատէի ձեռք բերել բոլոր պաշտպանողական միջոցները որոնցով պիտի կրնայի Գութօններու յաւակնութիւնները չքայնել: Այս համոզումս թէ՛ Սրբազան Առաջնորդին և թէ՛ գիւղացւոց յայտնեցի և համոզեցի զանոնք, ըսելով որ եթէ գիւղացիք միանան հաստատամտութեամբ, ժամանակ մը նեղուելու յօժարին, իրաւունքը անվրէպ կը շահուի: Իմ սոյն յայտարարութեանէս թէ՛ Սրբազան Առաջնորդը և թէ՛ գիւղացիք չափազանց գոհ ըլլալով վստահեցան, և որոշեցին յարաբերութիւնը խզել Գութօ եղբարց հետ: Վրայ հասաւ Օսմ. Սահմանագրութեան վերահռչակումը որ բոլորովին ամբապնդեց մեր յոյսերը:

Այս միջոցին Գութօ եղբարք Պատրիարքարանի դիմելով Առաջնորդ Սրբազանին դէմ բողոքեցին, որպէս թէ՛ Առաջնորդը գիւղացիները իրենց դէմ կը գրգռէ եղեր: Սպառնացան նաև թէ քարահանքերու խնդրոյն մէջ իրենք բացարձակ իրաւունք ունենալով՝ եթէ ստիպուին դատաւարութեամբ հաստատել իրենց իրաւունքը,

(*) Տեղեկագրոյն վճռական մասը բառ առ բառ այս է. —

«Վէլ հասըլ կերէք թագաւոր էֆէնտի վէ կերէք մեղքեւր քիլիսի վէ էհալիի գարիյէ թարաֆլարընտան տերմէեան գըլընան էպպալ վէ իպրազ օլունան էվրազը մեվճուտէ քանունէն մուամիլէյ Տօքթօր Վօրթմանըն մեղքեւր բուլուսաթնամէլէրէ միւսթէնէտ պուլունան հագգը բիւճհանիյէթիի տէֆ ու բէֆ էտէր հիւքիւմ վէ գուվիթի հաիզ օլամատըրը վէ տավայը հագըբատա քիլիսի վէ էհալիի քարիյէ մուճիպի իսթիֆատէ պեր հալ տաիի կէօրիւլէ մէտիյի իուսուուարը թէպքիթը վագատասան անլալըլըլ իսէտէ իճրայը իճապը մէնութ բէյի ալիլէրի տիւր օլպպատէ էմրու էրատէ հագըրէթի մէն է իւլ էմրիտիւր»

46 թէշըն սանի 314.

եկեղեցւոյն յատկացեալ քար գլուխ մէկ փարան ալ պիտի չտան, թէեւ այսօր պարտաւոր են տալու :

Այս մասին Առաջնորդ Սրբազանը, որչափ ալ իմ կողմէ արուած վատահումութենէն համոզուած, խնդրին կարեւորութիւնը նկատի առնելով, ապագային ծագելիք ամէն պատասխանատուութենէ ազատ ըլլալու համար, խնդիրը ներկայացուց Ազգ. Կեդր. Վարչութեան, խնդրելով որ մասնագէտներու կողմէ քննուի եւ ըստ այնմ հրահանգ տրուի իրեն :

Կեդր. Քաղ. Ժողովը՝ այս մասին քննութիւն կատարելով՝ եզրակացութիւնը տեղեկագրով մը ժողովին յայտնելու համար ամբողջ թղթերը յանձնեց Շիրինեան Մինրան էֆէնտիին, իբրև մասնագէտ այսպիսի քարահանքերու և հանքերու վերաբերեալ գործերու :

Սակայն յիշեալ մասնագէտ էֆէնտին, չենք գիտեր ի՞նչ պատճառաւ, իր տեղեկագրին մէջ գիւղացիները բողբոլի անիրաւ ներկայացնելով կ'աւելցնէր թէ դատը պիտի կորսնցնեն, և եթէ զիւրացիները իրաւունք ունենան իսկ, Գութօ եղբարք օտարահպատակ ըլլալով՝ Օսմ. Կառավարութիւնը անոնց աննպատ որոշում մը պիտի չտայ, դատը պիտի շահին և յառաջիկային Եկեղեցւոյն մէկ փարան անդամ չպիտի տան, ու հարկ պիտի ըլլայ դարձեալ Գութօներուն հետ պայմանագրութիւնը նորոգելու : (Սոյն տեղեկագիրը պահուած է Պատրիարքարանի մէջ) :

Այս տեղեկագրին համաձայն Պատրիարքարանը կը յանձնարարէ Պանորմայի Առաջնորդին՝ հարկ եղածն ի գործ դնել :

Երբ ասիկա լսեցի, զարմացայ և անհարին ցաւ զգայի, որովհետեւ այդ աստիճան լուրջ հարց մը վճռուած էր այսքան հարեանցի քննութեամբ և դատապարտելի թեթեւութեամբ : Այդ զարմանալի տեղեկագիրը չէր կրնար խախտել իմ նախկին համոզումս : Հետեւաբար, խորհուրդ տուի առաջնորդ Սրբազանին որ դիմադրէ Գութօներուն :

Ասոր վրայ՝ Պօլսի կանչուելով, ներկայացայ Գարեան էֆէնտիի ատենապետած Քաղ. Ժողովին, և պարզեցի այն օրինական հիմերը՝ որոնց վրայ հաստատուած էր գիւղացւոց շահերուն փրկութեան մասին ունեցած խորին համոզումս : Ի պատիւ Գարեան էֆէնտիի, հարկ կը զգամ այստեղ խոստովանելու որ իր ծանօթ օրէնսդիտութեամբ ու խորատեսութեամբ, առաջին վայրկեանէն իսկ ընդգրկեց իմ համոզումս, և հակառակ անոր որ վերոյիշեալ տեղեկագրին հեղինակը՝ Շիրինեան էֆէնտի՝ կ'անդամակցէր միևնոյն Քաղ. Ժողովին, որոնց խնդրին վերաբերեալ բոլոր թղթերն ինձի յանձնել և յանձնարարել որ դատի ձեռնարկեմ :

Գութօ եղբարց հետ պայմանագրուած միջոցը 1909 Մայիսին լրացած ըլլալով, գիւղացիներուն հրահանգ տուի որ այլևս քար չծա-

խեն անոնց, և պատրաստուեցայ դիմադրելու այն փոթորիկին զոր Գութօները պիտի յարուցանէին այս որոշման փոխարէն :

Այդ միջոցին Գութօ եղբարց կողմէ յաճախ դիմումներ եղան ինձ, մինչև իսկ հեռագրով Միխալըճէն հրաւիրեցին զիս : Գիւղին մէջ գտնուող Միրասեղտեանէն ալ այս իմաստով նամակ մը ստացայ : Իրենց փափաքը միշտ նոյնն էր. պայմանագրութեան նորոգումը կ'առաջարկէին, խոստանալով զիս լայնօրէն վարձատրել ծառայութեանս փոխարէն :

Ստուգիւ, քանի մը պայմաններով, մանաւանդ գիւղացւոց սեփականութիւնը հաստատելու եւ ընդունելու պայմանով՝ պայմանագրութիւն մը կնքելու համար իրենց հետ բանակցութեան մըտայ, սակայն Շիրինեան էֆէնտին, Գութօներու կողմէն, այս պայմանին դէմ կեցաւ :

Այնուհետև մենք ալ Գութօներու դէմ բացարձակ պայքարող մը համարուած էինք, հետեւաբար հակառակորդ կողմը պիտի սկսէր մաքառիլ մեր դէմ, վստահելով՝ արտօնագրերու և վաղուց հետէ իրեն ի նպաստ տրուած որոշումներու, զորս ձեռք բերած էր զանազան միջոցներով, Հին Րէժիմի ընթացքին :

Միայն խիստ կարեւոր կէտ մը մտատանջութեան առարկայ եղած էր ինձ, այսինքն՝ կոփուած քարերը վաճառելու տեղ մը պատրաստելով ապահովել քարակոփներու առօրեայ ապրուստը : Ուրովհետև քարակոփներէ ոմանք, առանց դրամի մնալով, կրնային Գութօներու կողմը քսնել, եւ 5-10 զրուշի աւժամանակեայ անապահով շահ մը գերադասել այն աւելի մեծ եւ աւելի ապահով շահէն՝ զոր դատավարութեան յաջող ելքը կրնար ապահովել իրենց, ինչպէս իրենց զաւակներուն և թոռներուն : Բարեբախտութիւն մըն էր որ այսպէս մտածելու տրամադիր գիւղացիներ շատ սակաւաթիւ էին :

Գժուարութիւն չկրեցինք քարերը ծախելու համար զնորդ զբոսնելու մասին, որովհետև Օսմ. Սահմանագրութիւնը նոր հռչակուած ըլլալով Պօլսոյ թաղապետութեան շրջանակները ձեռնարկած էին փողոցները սալարկերու եւ քարերու պէտքը խիստ զգալի էր :

Բարեկամներէս Պանորմացի Մարեան Արմենակ էֆէնտիին հետ, որ այս տեսակ քարի գործերու մասին քիչ շատ հմտութիւն ունի, ըստ բաղդի դիմեցինք Կ. Պօլսոյ վաճառականներէն Տէրունեան Օննիկ էֆէնտիի, որուն գործառնութեանց հետ կրնար պառչաճիլ նաև այս քարի առևտուրը : Տէրունեան էֆէնտի մեծ փութկոտութեամբ ընդունեց մեր առաջարկը, և ահա Մարեան էֆէնտիի ընկերակցութեամբ մտաւ այս քարի գործին մէջ : Գիւղացիները իրենց քարերը Մարեան էֆէնտիի կը ծախէին, այս վերջինն ալ, Տէրունե-

եան էֆ.ի հաշուին քարերը կը փոխադրէր Պօլիս, ուր կը ծախուէին թաղապետական դանազան շրջանակներու :

Այս միջոցին Գութօ եղբարք, պայմանագրութեան նորոգուելէն յուսանաւ, զիմեցին Պանտրմայի հանքային պաշտօնեային և անտառայ ու հանքայ նախարարութեան, որպէսզի վարչական որոշումով հանքերու աշխատութիւնները դադրեցնեն :

Արդարեւ, կառավարութիւնը այդ հանքերուն համար Գութօնէրուն պաշտօնական արտօնագիր տուած ըլլալով, շահագործելու իրաւունքը իրենց կը վերաբերէր, և հետեւաբար՝ առանց իրենց հաճութեան, Հայ Գիւղի քարակոյններու աշխատութիւնը իրաւունքի բրունաբարձ մը ըլլալով՝ պէտք էր վարչական եղանակով արգիլուէր : Ըստ երեւոյթին այս պահանջով իրաւացի էր, բայց էպէս անիրաւ էր : գիւղացիին իրաւունքը երեւան հանելու համար պէտք էր պայքարիլ, աշխատիլ, և ստոր համար հարկ էր ծախք ընել :

Աշխատիլ, մաքաթիլ, յոգնիլ՝ առանց վարձատրութեան ապահով հեռանկարի, այս ամէնը սիրով յանձն առած էի. բայց անդին դատական. երթեկեկի և ուրիշ տարագրական ծախքեր կային : Ո՞վ պիտի վճարէր զանոնք : Գիւղացիներէն չէի կրնար պահանջել, ոչ ալ եկեղեցւոյ անտուկէն, ինչ որ խել մը առարկութիւններու առիթ պիտի տար : Միւս կողմէ, ևս իմ ձեռքէս եկածը ըրած էի արդէն :

1907էն մինչև 1909 Օգոստոս հարկ եղած հետադադարութեան համար բոլոր ծախքերը գրպանէս հոգացած էի. այդ ծախքերէն պղղատիկ մաս մը միայն, 13 ոսկի, զիւղին Թաղ. Խորհուրդը տուած էր, մինչդեռ մինչև այն ատեն ևս արդէն 40 ոսկի ծախսած էի, Պանտրմայէն Պալքէսէր, Պալքէսէրէն Պոլիս քանի քանի անգամներ՝ երթեկեկութեան, կառքի, շոգենաւի, պանդոկի համար, և այլն : Միջոց մը խորհեցայ, այսինքն՝ յիշեալ քարահանքերը ժամանակի մը համար վարձու տալ վաճառականի մը, և այս մասին պէտք եղած ծախքն ու իմ վարձքս ստանալ, այնպէս որ ոչ քարակոյններէն դրամ ելլէ, ո՛չ ալ եկեղեցւոյ անտուկէն : Բնականաբար՝ վաճառականը իր շահէն մաս մը պիտի յատկացնէր այդ ծախքերուն՝ որոնք 3 կամ 5 ոսկիէն աւելի չպիտի ըլլային, այն ալ մասնակի վճարուելով :

Գիւղացիք հաւանութիւն տուին. յարմարագոյն վաճառականն էր Տէրունեան էֆէնտին որ արդէն գործին մէջ մտած և մինչև այն օրը՝ ինչպէս ըսի՝ Մարբան Արմենակ էֆէնտիին միջոցաւ 200 000ի չափ քար գնած և գործին համար առած էր :

Տէրունեան էֆէնտիին յայտնելով իմ այս մտադրութիւնս, երկարօրէն բացատրեցի ինդիքը, ցոյց տալով նաև որ գործին ելքը ապահով է, և թէ իրեն համար բնաւ վնասի հաւանականութիւն չկայ :

Տէրունեան էֆէնտի ամենայն ուրախութեամբ անմիջապէս ընդունեց առաջարկութիւնս՝ հետեւեալ պայմաններով : Հինգ տարուան պայմանաժամով քարահանքերէն ելած քարերը պիտի ծախուէին իրեն, հետք 12 փարս գնով և ծովեղերքը որոշ տեղ մը յանձնուելու պայմանաւ . ինք ալ պիտի վճարէր այս գործին հարկ եղածը ծախքը և միանգամայն զիս պիտի գոհացնէր :

Բաւական դժուարութիւններու և զանազան առարկութեանց բաղխելէ յետոյ, յաջողեցայ թէ գիւղացիները և թէ Տէրունեան էֆէնտին համաձայնութեան բերել. պայմանագրութիւնը ստորագրուեցաւ երկու կողմէն և Պանտրմայի Բաղ. Ժողովը ալ վաւերացուց զայն :

Այն օրէն սկսեալ Տէրունեան էֆէնտին գործի ձեռնարկեց : Բնական է թէ՛ Գութօ եղբարք այսպէս շահու կարեւոր աղբիւր մը գիւրաւ պիտի չթողէին :

Հայ Գիւղի քարակոյնները արգիլելու և քարահանքերու աշխատութիւնները վարչական սնորհնութեամբ դադրեցնելու համար սկսան զիմե Պանտրմայի Գայմագամութեան, հանքայ պաշտօնեային, Գարասիի կառավարչութեան և անտառայ ու հանքայ նախարարութեան :

Յաջողեցան հաճեցային նախարարութեանէն հրաման մը ձեռք բերել քարակոյններու աշխատութիւնը անմիջապէս դադրեցնելու մասին :

Այս հրամանը իսկոյն գործադրուեցաւ . Եկեղեցին՝ այս խնդրոյ առարկայ հանքերէն (օժագ) դատ առանձին երկու օճագներ ալ ունէր որոնք վէճի տակ չէին . ուստի գործաւորները սկսան անոնց մէջ աշխատիլ . բայց Գութօ եղբարք այս ալ չտանկելով՝ սահմանի խնդիր մը յարուցին և դադրեցնել տուին այդ աշխատութիւններն ալ : Խեղճ գիւղացիները այն աստիճան նեղուեցան որ օրական ապրուստի կարօտ մնացին :

Այս միջոցին Պեոյլիս վայրացոյ կոչուած տեղի մը քարերուն համար արտօնագիր մ'առնելով, գործաւորները որչափ կարելի է հոն տեղաւորեցինք :

Հանքայ նախարարութիւնը, գրեթէ բոլորովին Գութօնէրու ձեռքը մնացած, անոնց բոլոր պահանջումներուն գոհացում կուտար. մինչև իսկ գիւղացւոց ձեռքէն առնելու կ'ելլէր այն օճագներն ալ որոնք բնաւ վէճի տակ չէին :

Այս պարագաները կանխաւ յիշեալ Տեսչութեան դէմ հրատարակուած թուրքերէն յիշատակագրիս մէջ ընդարձակօրէն բացատրած ըլլալով՝ հարկ չեմ տեսներ կրկնել . միայն այսչափ մը կ'ուզեմ յայտնել հանրութեան թէ այն ատեն նոյն Տեսչութեան խորհրդական

Մինապետան էֆէնտին , որ Գութօ եղարաց ընկեր Միւսիւ Բօրբիի լիազօր փաստաբանն էր , և կարծեմ անոնց հետ ազգականութեան կապ մը ունէր , ջերմապէս կը պաշտպանէր զանոնք . արդէն այս մասին տեղեկագիր մըն ալ տուած է , աւելորդ է ըսել թէ Գութօները պաշտպանելով :

Այս անպատենութիւններէն զատ , տակաւին մեր դէմը ունէինք կարգ մը ուրիշ անտեղութիւններ ուղղակի գիւղին մէջ , Գութօներէն շահուած գիւղացւոց կողմէ : Աւելորդ պիտի ըլլար այստեղ անոնց թուումը :

Գութօներու գլխաւոր նպատակն էր գործաւորները նեղելով ստիպել որ իրենց կողմը դառնան , և եթէ այս վերջինները իրենց յանձնառութեան վրայ հաստատ չկենայր՝ քարերը Գութօներուն յանձնէին , այն պարագային չէինք կրնար հետապնդել դատը , ո՛չ ալ գործ մը կրնայինք կատարել . որովհետեւ այն ատեն ծախքը ո՞վ պիտի վճարէր : Իրաւ է որ Տէրունեան էֆէնտի սկսած էր ծախք ընել , բայց ըրածը քսակէն չէր , այլ շահէն . երբ շահը դադրէր , բնական է այլեւս չպիտի ուզէր ծախել :

Գութօները չկրցան իրենց նպատակին հասնիլ , որովհետեւ ես միշտ գիւղացիները կը յորդորէի և կը քաջալերէի որ ժամանակի մը համար նեղուելը յանձն առնեն՝ իրենց ապագայ հանգստութեան սիրոյն :

Ստուգիլ գիւղացւոց համար այդ վիճակը մեծ զրկանք մըն էր : Փոխանակ հարուստ հանքերու մէջ աշխատելու և աւելի շահելու , այս ու այն անկիւնը ու միայն չորաբեկ հացի մը փարա հանելու համար աշխատիլ՝ անտանելի էր . սակայն գիւղացիները սիրով յանձն առին այս դժոգութիւնը , հակառակ անոր որ եթէ Գութօներու հետ համաձայնէին , այդ միջոցին իրենց ստացած 7—8 դրշ . օրականին տեղ 20—25 դրշ . ի օրական մը ապահոված պիտի ըլլային :

Մաքառելու սկսելով , ես ալ դիմեցի այն պաշտօնատուները որոնց դիմած էին Գութօները , իւրաքանչիւրին առանձին առանձին լայիքներ ներկայացուցի , բերանացի բացատրութիւններ տալով՝ հերքեցի Գութօներու անիրաւ պահանջումները , և շարունակ թէ Պօլսոյ , թէ Պալքէսէի և թէ Պանտրմայի կառավարութեանց անձամբ ներկայանալով դատը հետապնդեցի : Ամէն օր նորանոր կիճիւններ երեան կուգային . ասոնց ամէնուն կը պատասխանէի , երբեմն ալ գիւղը երթալով ամէն ճիգով կ'աշխատէի գիւղացւոց մինչեւ համաձայնութիւնը անսխալ պահելու և տեղական կարգադրելի գործերուն վրայ մօտէն հսկելու :

Խեղճ գիւղացիք ունէին միայն մէկ փոխանորդ փաստաբան մը որ ես էի , մինչդեռ Գութօները Կ . Պօլսոյ մէջ փաստաբաններու կաճառ մ'ունէին , կազմուած Ազգ . Կեդր . Բաղ . Ժողովոյ անդամ Շիրին-

եան Միհրան , Բէթրիտի և Վիւչինօ էֆէներէ , որոնք փութոյ պընդութեամբ կ'աշխատէին : Ունէին նաև Պանտրմայի մէջ փաստաբաններ , Ուզունեան և Հաճի Իպրահիմ էֆէները , որոնք նոյն թափով կը հետապնդէին այս գործը՝ ի նպաստ Գութօներու :

Շիրինեան և Բէթրիտի էֆէները երբեմն՝ Պանտրմա և Պալքէսէի ալ կ'երթային . ես միայնակ կ'աճապարէի կը հասնէի ամեն ուրեք որ պէտք էր :

Հակառակ մեր ոգի ի բռին աշխատութեան , կարելի չեղաւ լսելի ընել մեր ցաւը հանքային նախարարութեան . չլսեցին , կամ լաւեւս՝ լսել չուզեցին : Պատուաւոր անձնաւորութիւններ զորս ճանչնալու պատիւն ունէի , քանիցս դիմեցին նախարար Մավրոզօրտաթօ էֆէնտիին և խնդրեցին որ անիրաւութիւն ի գործ չըրուի այս խնդրոյն մէջ , բայց անօգուտ : Նախարարութիւնը չբարեփոխեց իր անիրաւ որոշումը ու պնդեց գործաւորները վարչական միջոցներով արդիւղու մասին :

Հանքային Տեսչութեան այլեւս յուսահատելով , խիստ հեռագիր մը ուղղեցի Մեծ Եպարքոսին , և այս խնդրոյն վերաբերեալ 274 կտոր թղթերն յաջողեցայ հէվայէ ընել տալ Պետական Խորհուրդին :

Պետական Խորհուրդը , իմ տուած ընդարձակ և սուլուած ծանուցագրիս վրայ , խնդրոյն քննութեան սկսաւ . միեւնոյն ատեն հակառակորդ կողմը և անտառաց վարչութիւնը երկար լայիքներ և քեզ երեւէր տուած էին :

Պետական Խորհուրդը , մանրամասնօրէն քննութիւն կատարելէ վերջ , ծանուցագրիս առաջին յօդուածին համաձայն ապօրինի նկատեց վարչական եղանակով միջամտել այս խնդրին , դիտելով որ սեպհականութեան անհամաձայնութենէ յառաջ եկած խնդիր մ'է և հետեւաբար՝ այս խնդրին լուծումը Ասիլիի դատարաններուն կը պատկանի , և խիստ ընդարձակ մաղաթ մ'ալ տուաւ , վաւերացուած Բ . Դրան կողմէ : Սակայն անտառաց վարչութիւնը առարկութիւններ ընելով զայն ալ չընդունեց , կրկին Պետական Խորհուրդին գնաց , Պետական Խորհուրդը երկրորդ անգամ կրկնեց իր որոշումը , անտառաց վարչութիւնը դարձեալ մտիկ չըրաւ , սակայն Պետական Խորհուրդը երրորդ անգամ անդրդուելի մնաց իր որոշման մէջ :

Պետական Խորհրդոյ կողմէն երրորդ անգամ տրուած և Բ . Դրան կողմէ հաստատուած երրորդ տեղեկագրին վրայ Հանքաց վարչութիւնը առարկելի ո՛ր է է բան չգտնելով ստիպուեցաւ ձեռնպահ մնալ օճագներու աշխատութեան և արտադրութեան վարչական եղանակով միջամտելէ : Գործաւորներուն ուրախութիւնը անասման էր . խեղճերը ալ ազատ շունչ մը առին և սկսան աշխատիլ հան-

գիտ սրտով : Այլ սակաւն միւս կողմէ, ուր որ կը գտնուէին այդ օճագները, նոյն տեղերուն հողային սեպականութեան խնդիրը կը ծագէր : Գութօ եղբարց բուն առարկութիւնը այդ հողերուն անտէր ըլլալն էր, որովհետեւ իրենց ձեռքը գտնուած արտօնագիրը առած էին իբր անտէր (խալի) հողեր : Իսկ մենք կը պնդէինք թէ տէր ունին : Այս մասին Պանորմայի վարչական ժողովին, Էրատէկի ու Պանորմայի Թախուի պաշտօնատանց, Պալըքէսէրի Տեֆթեր խագանիի պաշտօնային և Կ. Պուլսոյ տէֆտէրխանէի տեսութեան միջեւ բանակցութիւններ և խորհրդակցութուններ կը կատարուէր և եթէ յիշեալ հողերուն սեպականութիւն ըլլալը հաստատուէր, գիւղացիք բոլորովին ազատուած պիտի ըլլային :

Երկար քննութիւններէ և բանակցութիւններէ յետոյ հաստատուեցաւ սեպականութեան խնդիրը, ստուգուելով որ այդ հողերուն տէրը հայ-գիւղացի Պուրկաղեան Մանուկ անուն անձն է, և հետեւաբար Պուլսոյ Տէֆթէրը խագանիի յանձնաժողովին որոշման, Պետական Խորհրդոյ և Բ. Դրան վաւերացման համաձայն՝ Պուրկաղեան Մանուկի ժառանգորդներուն և ժառանգորդներէն Առաջնորդ Տ. Կարապետ Սրբազանին վրայ փոխանցման գործողութիւնները կատարուեցան : Բայց այս գործողութիւններն ալ ամենախիստ բողոքներու ենթարկուեցան Գութօ օններու կողմէ, այնպէս որ հիւպատոսներ, թարգմաններ իրար անցան, և սպառնալից գանդատագիրներ, բրօթէսթօններ ու բողոքագրեր տեղացին : Վերջին անգամ երբ յիշեալ հողերը Պուրկաղեանի ժառանգորդներէն Առաջնորդին բա փոխանցումի գործողութիւնը պիտի կատարուէր, գիւղին մէջ գլուխուս Գութօնրու քանի մը գործակատարները թելադրեցին ժառանգորդները, և զիս՝ որ շեքիի ինճեքով փոխանցումի գործողութեանց ալ փոխանորդ էի, հրաժարեցուցին ժառանգորդներու ձեռքով :

Ստիկա խիստ մեծ վտանգ մըն էր, և հարուածը սոսկալի. երկու տարիէ ի վեր երբ այնչափ աղմկալի դատաւարութեամբ ոգի ի բռին կ'աշխատինք ու կը մաքառինք ժառանգորդները անհող անտարբեր կը նիրհէին. իսկ երբ թշնամիին ձեռքէն յիշեալ հողերը վերստանալով գործը վերջացուցինք, սթափեցան և սկսան պնդել թէ հողերը մերն են, մեր սեպականութիւնն են, պէտք է միան մեր վրայ : Ինչ և է, այս վտանգն ու գժուարութիւնն ալ անհետացաւ, և ժառանգորդաց կողմէ փոխանորդ կարգուելով՝ հողերը Առաջնորդ Սրբազանին վրայ փոխանցել առիթ և պաշտօնական թղթերը առի :

Այլ եւս վտանգը բոլորովին անցած համարելով գիւղին մէջ ընդհանուր ուրախութիւն մը տիրեց : Խնդներն այսուհետեւ գերութիւնէ ազատելով հանգիստ և անվրդով իրենց հացը պիտի ուտէին :

Չաւահներով ու թոռներով, ապահովուած էր իրենց ապագան և 20 տարուան անտանելի զրկանքներէ ու տառապանքներէ ազատած էին : Անուշա սեփականութեան թղթերը ձեռք առնելով ամէն անհամաձայնութիւն և խնդիր հարթուած չէր. կային տակաւին ուրիշ գժուարութիւններ որոնք նոր ճիգ կը պահանջէին. միայն անսմիջական վտանգը անհետացած էր :

Ինչպէս թրքական առածը կ'ըսէ՝ «Ամեն ուրախութեան կը յաջորդէ սրտուրիւն մը, եւ ամեն սրտուրեան ուրախութիւն մը», այսպէս ալ ինզճ գիւղացուց ուրախութեան յաջորդեց արտօնաթիթ պարագայ մը, այսինքն՝ պարզ անիրաւութիւն մը որ այս անգամ օտարէն չէր գար, այլ ներսէն... խեղճերը այս անգամ ալ Տէրունեան Օննիկ էֆէնտիի և իր գործակատարին զրկանքներուն ենթակայ եղան, և իրենց վիճակը աւելի դառնացաւ, մինչդեռ միամտաբար կը կարծէին թէ հանգիստ սրտով պիտի վայելեն իրենց աշխատութեան արդիւնքը :

Տէրունեան էֆէնտի, շահամուտի ենէ մղուած, առաջին հարուածը ինճի դէմ փորձեց և աստիճան մը յաջողեցաւ :

Ինչպէս արդէն բացատրած եմ, այս գործին մէջ, որուն համար չորս տարիէ ի վեր անդու և անդադար աշխատեցայ, թէ և գլխաւոր նպատակ ունէի ծառայութիւն մը մատուցանել գիւղացի ժողովրդեան որուն հետ վաղուց սերտ յարաբերութիւն և բարեկամութիւն ունէի, բայց միեւնոյն ատեն բնականաբար անձնական շահ մըն ալ կ'ակնկալէի. միայն թէ՛ այս շահը ոչ թէ գործաւորներու և եկեղեցիին ի վնաս կ'որոնէի, ինչպէս քանի մը անմխտ նախանձորդներ ըսին, այլ ի շահ անոնց, այսինքն գործաւորները և եկեղեցին օրինաւոր կերպով շահեցնելով կ'ուզէի շահիլ նաև ես : Ասոր լաւագոյն ապացոյցը սա է որ չորս տարուան մէջ ո՛չ գործաւորներէն և ո՛չ եկեղեցուց մատուկէն դանկ մ'իսկ հանել չտուի :

Մինչև այն թուականը՝ երբ Տէրունեան էֆ. գործի սկսաւ, ամբողջ երթեւեկութեան և դանազան ծախքերը որոնք 40 ոսկիի կը յանգէին, բացի 13 ոսկիէն, ես ինքս հոգայի, ինչպէս գիտեն ամբողջ հայ-գիւղացիք և Պանորմայի աղագային ժողովները :

Սրբաբեւ, չորսուկէս տարուան առաջին երկու տարիներուն մէջ կրցայ ուրիշ դատեր ալ հետապնդել, և երբեմն միայն այս դատին կը հետեւէի, բայց վերջին երկու քուկէս տարուան մէջ խնդիրը այն աստիճան սաստկացաւ և այնչափ հրահրուեցաւ որ ստիպուեցայ գրասենեակս դռնել, դատեր չստանձնել. ամէն գործ թողուլ և ամբողջ ժամանակս այս գործին միայն յատկացնել, և ինչպէս ստիպուած պիտի չըլլայի քանի որ խնդիրը ո՛չ թէ մըակ վայրի մը, այլ Պալըքէսէրի, Պանորմայի, Պուլսոյ, Էրատէկի և Հայ Գիւղի հետ

առընչութիւն սւնէր. նոյնիսկ Կ. Պօլսոյ միայն մէկ պաշտօնատան մէջ չէր որ կը քննուէր, այլ Ներքին Գործոց, Անտառաց և Տէֆթէրխանէի նախարարութեանց, Պետական Խորհրդոյ և Բ. Գրան մէջ: Ասոնցմէ զատ կային նաև երեք արդելքի գատեր, որովհետև Գութօ եղբարք Տէրունեան էֆէնտիին 70,000ի չափ քարերը արգելքի տակ առած էին: Ասոնց ամէնուն աշխատող, պատասխանատու և հարկ եղած ողերսագրերն ու լայնհանրը պատրաստողն ես էի միայնակ, մինչդեռ մեր հակառակորդը՝ Պ. Գութօ, հինգ փաստաբաններ միանգամայն հանած էր ինծի դէմ:

Ինչպէս յայտնած եմ արդէն, բոլոր գործերս թողած ըլլալով, ուրիշ ապրուստի միջոց չունէի. այս պատճառաւ Տէրունեան էֆէն 1909 Օգոստոսէն սկսեալ երբեմն Յական կամ Շական ոսկի կուտար ծախուց և ապրուստի համար, խիստ առատածեղութեամբ կը վարուէր հետս և կը սիրաշահէր զիս, այն աստիճան որ երբեմն շաքաթ իրկուենները քովս գալով կը հարցնէր թէ՛ «Աեգո՛ւ՛ն, դըրամ կուզե՞ս», և դըրամ կուտար, երբեմն ալ՝ եթէ երեք ոսկի ուզէի, հինգ կուտար: Հարկ է ըսել թէ ես ալ կարելի եղածին չափ խնայելով կը ծախսէի և ամէն կերպով զինքը կը յարգէի:

Այդ միջոցին գործառնութիւնները հետզհետէ յաջող կերպով կ'երթային, քարերուն զինը վրայ կը դնէր, այնպէս որ Տէրունեան էֆէնտի կը խորհէր թողուլ չիմենքօյի գործը և յարկ ըլլորովին քարի գործին, որ ահագին շահ կը բերէր և տակաւին կրնար աւելին ալ բերել:

Տեսնելով Տէրունեան էֆէնտիին ինձ նկատմամբ խիստ համակիր վերաբերութիւնը և մանաւանդ օր մը, վաճառատան մէջ աշխատելու միջոցիս լսելով իր բերնին եւս սա յայտարարութիւնը թէ՛ «Ատու՛ծով այս գործը թող վերջանայ, այն ատեն ինչպէս կը փափաքիս այնպէս պիտի ընեմ, $\frac{1}{2}$ ի կամ $\frac{1}{4}$ ի և կամ ուրիշ կերպով պիտի գոհացնեմ քեզ», ես վստահացած էի թէ իմ արդար իրաւունքս չպիտի կորսուի: Այս և ասոր նման փայլուն խոստումները միշտ յիշելով ընաւ չկասկածեցայ որ օր մը այս մարդը ինձ անիրաւութիւն մը կ'ընէ:

Այս խորհրդածութեամբ՝ գործը դեռ չի յաջողած անպաշտած համարեցի խօսք բանալ վարձատրութեան մասին, որովհետև կը կարծէի, կամ լաւ է ըսել, վստահ էի թէ՛ խալապա ճախողուած և կորած իրաւունք մը այսչափ միջոցի մէջ անձնուիրարար աշխատելով ձեռք բերած եմ, հետեւաբար՝ իմ ջանքերս անշուշտ կը գնահատէ գործին կարեւորութեան չափով: Ետքէն հասկցայ որ շատ միամիտ գտնուէր եմ կարեւորութիւն ընծայելով Տէրունեան էֆի խոստումներուն:

Պետական Խորհուրդը երբ իր տեղեկագրով հաստատեց զիւզացւոց ստացատէր ըլլալը, որ ատեն այլեւս վտանգ մը չէր մնացած, Օննիկ էֆէնտիին վարուելու կերպին մէջ այլափոխութիւն եւ յարաբերութեան մէջ ցրտութիւն մը նշմարեցի, թէեւ ինք բոլոր ճիշդով կը ջանար ծածկել: Ի տես այս վիճակին, սթապիկցայ և որոշեցի խօսք բանալ վարձատրութեան մասին, այն օրը, երբ Տէֆթէրք Հազանիի նախարարութիւնը հրամանագիր տուած էր Գարասիի անֆթէրխանէի պաշտօնէութեան թէ՛ պէտք է քափուխ սէնէտները տալ համաձայն Պետական Խորհրդոյ տեղեկագրին որ հաստատուած էր Բ. Գրան կողմէ: Այս հրամանագիրը ստանալով Պանարմա պիտի մեկնէի. ճիշտ այդ պահուն, փափկութեամբ և պատշաճ եղանակով մը Տէրունեան էֆէնտիին ստաջարիկցի որոշել իմ վարձքս:

Անմիջապէս յօնքերը վար իջան ու գունատեցաւ. նոյն վայրկեանին զգացի որ չեմ սխալած: Բաւական վարանելէ վերջ, ըսաւ. «Ղնամանիքդ Պօլիս բեր, հոս կեցիր, վաճառատանս վրայի յարկը իբր գրասենեակ նստէ, վարձք մի տար և վաճառատան գործերուն նայէ. արդէն հարկերուն գլուխը քեզ նման մէկը պէտք է, ինքիբնոր պակաս չեն, անոնց ալ կը նայիս և քեզի տասը ոսկի ամսական կուտամ»... Նոյն միջոցին կարծես կայծակնահար եղայ, շուարեցայ թէ ինչ բան է, լեզուս կապուեցաւ:

Արդեօք այս 10 ոսկին իբրեւ ծառայի՞ ամսական պիտի տար, թէ գրազրի. այս 10 ոսկին էր իմ երկուքուկէս տարուան գոնուղութիւններուս վարձքը. արդէն իր վաճառատան մէջ 12 կամ 15 ոսկի ամսականով մէկ երկու ծառայ և գրազրի կ'աշխատէին, ես ալ անոնց կարգը իբր ստորագուծա Տէրունեան էֆէնտիին պիտի ծառայէի...:

Բոլոր գործերս ցիրուցան մէկդի թողած, ամբողջ ժամանակս այդ գործին յատկացնեմ, կեանքս, դիրքս և ապագաս վտանգիտակ դնեմ, ձմեռը՝ փոթորկալից օդերուն վտանգաւոր ճամբորդութիւններ կատարելով Պօլսէն Պանարմա, Պանարմայէն Պալքէտէր, Պալքէտէրէն Հայֆիւղ, Հայֆիւղէն Էրտէք, հետի ընտանիքէ ու գաւակներէ թափառական չըլլիմ, երկու հիւպատոսարանի և երկու պանքէրի բարոյական և նիւթական ոյժերուն դէմ մաքաւիմ և անոյցս կորսուած իրաւունք մը ձեռք բերեմ, իսկ Տէրունեան էֆէնտին, վաճառատանը մէջ բազմած, միայն 5-600 ոսկի ապահովապէս է սպաս դնելով, ամսական 150-200 ոսկի գրամ շահի, և ինձ առաջարկէ միմիայն 10 ոսկի...: Այդ գրամը իմ արդար վարձքս էր թէ իրեն յանձնած գործիս քովսեօնը: Այսպէս կը գնահատեն մարդոց իրաւունքները:

Տէրունեան էֆի այս տարօրինակ առաջարկութեան վայրկեան

191
40



նէն սկսեալ միայն զգացի չորս տարուան մէջ կրած տաժանելի յոգնութիւններս: Այս պատճառաւ չուզեցի նոյն պահուն վէճ յարուցանել, և խնդիրը անորոշ թողլով հեռացայ:

Պանարմա երթալուս պէս, Տէրունեան էֆ. ի Մանուկ անուն գործակատարին յայտնեցի այս անիրաւութիւնը և առաջարկեցի որ միջամտէ և խնդիրը պատշաճ կերպով մը վերջացնէ:

Մանուկ երախտապարտ էր մեր ընտանիքին, որովհետեւ 20 տարիէ ի վեր թէ հօրս և թէ իմ կողմէ պաշտպանեալ էր. հայրս իբրև հայր և ես իբրև եղբայր կը վարուէինք իրեն հետ: Երբ իմա- իբրև հայր և ես իբրև եղբայր կը վարուէինք իրեն հետ: Երբ իմա- ցաւ Տէրունեան էֆ. ի այս առաջարկը, անմիջապէս բարկանալով՝ «Ի՞նչ ցաւ Տէրունեան էֆ. ի այս առաջարկը, անմիջապէս բարկանալով՝ «Ի՞նչ րան է, ի՞նչ անիրաւութիւն է, շատ քիչ տուեր է, ես հիմայ կ'եր- թամ և այս գործը կարգի կը դնեմ», ըսաւ ու հետեւեալ օրը Պօլիս մեկնեցաւ: Ես ալ սէնէտի գործողութիւնները լրացնելու համար Պալլըքէսէր գացի:

Մանուկին զգացուցած էի նաեւ որ եթէ Տէրունեան էֆ. իմ արդար իրաւունքս չվճարէ, սեկեսին գործողութիւնը առկա պիտի թողում և գործէն պիտի քաշուիմ, վհատած Տէրունեան էֆ. ի ցոյց տուած անարդարութենէն: Յետոյ, պայման դրի որ առնուագն ամ- տական 20 ոսկի ապահովէ ինձի, որպէս զի վարեմ այս գործը (ու- րովհետեւ շոգենաւի, կառքի և պանդոկի համար ամսական 7-8 ոս- կի ծախքը անխուսափելի է), կամ քար գլուխ մէկ վարա, և կամ գէթ շահուն 1/12 ինձի յատկացնէ: Երևք օր վերջը հեռագիր մը ստա- ցայ Մանուկէն, որով զիս կ'ապահովցնէր թէ ամէն կերպով գոհա- ցում պիտի տրուի ինձի: Այս հեռագրին վրայ Պալլըքէսէրի մէջ պաշ- տօնական գործողութիւնները լրացնելով Պանարմա եկայ և քափուի սեկեսը առնելով Պօլիս անցայ:

Սակայն խարուած էի: Պօլիս գալուս միայն լսեցի որ Տէրունեան էֆ. ի փոխանակ զիս գոհացնելու, Մանուկին հետ միացած՝ զիս բոլորովին չէզոքացնելու համար հնարքներ կը խորհէր: Հակառակ ասոր, անտարբեր վաճառատուն գացի, և ցուրտ ընդունելութիւն ասոր, անտարբեր վաճառատուն գացի, և ցուրտ ընդունելութիւն մը գտայ Տէրունեան էֆ. ի կողմէ: Մանուկ ալ ինձի դէմ գռե- հիկ լեզուով մը կը բարբանչէր. ըսելով. «Տէրունեան 350 ոսկի տուած է մինչև ցարդ, միթէ չի՞ բաւեր, ալ ի՞նչ պիտի տայ, մենք զայն պիտի հրաժարեցնենք, արդէն ի՞նչ գործ տեսաւ, դատը շա- հողը մենք ենք, կ'ուզէ ընդունի, կ'ուզէ չընդունի, ինք գիտէ, վերջը գիտակով կը ցուցնեմ անոր Հայ Գիւղը. եթէ քաջութիւն ունի թող օտք կոխէ Հայ Գիւղը»: Այս և ասոր նման անարգալից խօսքեր ու սպառնալիքներ զորս Մանուկ հրապարակաւ կ'ընէ եղբր ինձի դէմ, ինչպէս տեղեկացայ պատուաւոր անձերէ, բոլորովին սաղութեան մասնեցին զիս, քանի որ Մանուկ ինձմէ դժգոհելու ոչ մէկ պատճառ

ունեցած էր: Յայտնի էր որ Մանուկը լարողը նոյն ինքն Տէրունեան էֆէնային էր: Ան թունաւորած, գրգռած էր ինձի դէմ Մա- նուկը, որ երկու ժամ վերջը գալիքն անգամ դուշակելու անկարող և միւս կողմէ, հաղար ոսկիի չափ Տէրունեանի պարտական. ինչպէս կը հաւաստէր նոյն ինքն Տէրունեան էֆ., կամայ ականայ ստիպուած էր անոր բոլոր խորհուրդներուն անսալու և կամքին հպա- տակելու:

Տէրունեան էֆ. զիս ձեռնունայն դուրս ձգելու համար բաւա- կան չհամարեց միայն Մանուկը ինձի դէմ հանելը, այլ ուզեց զբրգ- ուել նաեւ քարակոփները, որոնք՝ անձնապէս օգտուած իմ ջան- քերէս, սրտազին համակրութեամբ մը զիս շրջապատած էին, և շա- բունակ բարեմաղթութիւններ ու շնորհակալութիւններ յեղյեղելով զիս իբր իրենց էնվերս ու Նիազին կը կոչէին:

Սակայն Տէրունեան չհասաւ իր նպատակին: Այն կորովի ու մաքուր սիրտ կրող քարակոփները իսկոյն կռահեցին գործը, տեսան Մանուկին ու Տէրունեանի միջեւ ինձի դէմ սարքուած խաղը և սկսան մխիթարել զիս վհատութեանս մէջ:

Գործաւորները՝ որպէս անմիջական մասնակից այս խնդրոյն՝ շատ լաւ գիտէին թէ որո՞ւ շնորհիւ ազատած են. հետեւաբար, զայ- բանալով գործուած անիրաւութեան դէմ, բարձրագոյ՝ «Մենք Տէ- րունեանի պէս վաճառականներ շատ կը գտնենք, բայց ոչ Սեպուհին պէս փոխանորդ մը, որ հողիով աշխատեցաւ, պէտք է գոհացնել զանիկա ապա թէ ո՛չ, մենք պէտք եղածը կ'ընենք», կ'ըսէին:

Տէրունեան էֆ. տեսնելով որ գործը պիտի ձախողի, ստիպուեցաւ ինձ հետ համաձայնիլ և ամսական 15 ոսկի տալու հաւանեցաւ. ես ալ սկսայ ըստ առաջնոյն գործերը վարել: Բայց թէեւ վտանգն անցած էր, սակայն՝ ինչպէս ըսի, կային դեռ խիստ շատ կարգադրութեան կարօտ երկրորդական գործեր՝ որոնցմով զբաղելու հարկադրուած, չպիտի կարենայի զբաղիլ ուրիշ գործերով՝ գէթ երկու տարի:

Այս պարագային՝ 15 ոսկի ամսականը ինձի բաւարար վարձք մը չէր. այդ գումարը Տէրունեան էֆ. ի շահուն հազիւ 1/12ն էր, ինչպէս կրնամ հաստատել ամէն պարագայի մէջ, երբ պահանջուի:

Չը մտնամ յայտարարել նաեւ թէ՛ Տէրունեան էֆ. ի հետ այս մասին անհամաձայնութիւն ծագած միջոցին, քանիցս առաջարկեցի փոխադարձաբար կարգուած երկ-երկու փաստաբաններու իրաւա- խոհութեան յանձնել խնդիրը. բայց ան պատասխանեց թէ՛ «Ես փաս- տաբաններու հետ գործ չունիմ»: Ուրիշ անգամ մըն ալ, միջնորդի մը միջոցաւ առաջարկեցի որ՝ եթէ ինձ դրամ տալ չուզեր, թող արտօնէ զիս որ իմ դրամովս 300000 քար առնեմ և իմ հաշուոյս

ծախսեմ, ուրիշ վարձք չեմ պահանջեր: Պատասխաններ է թէ՛ «Անիկա խելագարեր է, դացէք բարեւեցէք և այսպէս բռնէք. ալ ի՞նչ տամ. 400 ոսկի արժէն. գիւղական փաստաբանի մը տակէ աւելի դրամ կը տրուի՞». եթէ մինչև 24 ժամ չհաւանի ամսական 10 ոսկիով աշխատիլ, ուրիշ փոխանորդ պիտի զրկեմ. հեռագրով տեղեկագրեցէք ինձի»:

Կատարելապէս խտրուած էի Տէրունեան էֆ. ի առատաձեռնութենէն և փաղփայանքներէն, որոնք տեւեցին մինչև որ վտանգը անցաւ: Չարաչար խտրած էր զիս նաև Մանուկի այն հեռագրով որով կը խոստանար թէ զիս ամէն կերպով զո՞ս պիտի թողու: Այդ հեռագիրը պարզ խաղ մըն էր:

Տէրունեան էֆ. ի նպատակը պարզ էր. անիկա կը մտածէր ու և է կերպով զիս դուրս ձգել և մնացեալ գործերը յանձնել իր ազգականներէն Աբրահամ էֆ. անուն մէկու մը և ինձի տալիք դրամը անոր տալ: Ան կը կարծէր թէ այլ ևս կնճռոտութիւն չէ մնացած և այնքան հարկ չկայ օրէնքի հմուտ անձի մը գործակցութեան: Միւս կողմէ, կը մտածէր անշուշտ թէ Աբրահամ էֆէնտին 14 տարի չափ հաշուակալութիւն բրած բլալով Ապտիւլ Համիտին ու քիչ մը տաճկերէն գիտնալով, թերեւս կրնայ զլուս հանել այս գործերը:

Բայց, ինչպէս արդէն յայտնած եմ, Տէրունեան էֆ. պահ մը խորհելով որ նպատակը անմիջապէս պիտի չկարենայ իրագործել, ինձ հետ երեսանց համաձայնեցաւ: Գիտէի թէ անկեղծ չէր, թէ յարմար առթի մը կը սպասէր իր բուն մտադրութիւնը ի գործ դնելու և զիս դուրս ձգելու համար, ինչպէս որ իր գործակատարը թէ գիւղին և թէ Պանտրմայի մէջ քանի մը տեղեր անգաղտնապահութեամբ խօսած էր:

Գործաւորներու աղաչանքով, առանց կտրելութիւն տալու Մանուկի ֆախատինքներուն, որոնք Տէրունեան էֆ. ի թելադրութենէն յառաջ եկած էին, սկսայ ըստ առաջնոյն վարել Տէրունեան էֆ. ի գործը: Մինչև անգամ ստանձնեցի իր երկու անձնական դատերն ալ, որոց մին տան մը փլուզումին և միւսը աուն մը պարպելու խնդրոյն կը վերաբերէր:

Այս կերպով ամիս ու կէս անցած էր, երբ յանկարծ գործաւորները հեռագրով զիս գիւղ հրաւիրեցին. պատճառը բացատրած չէին. գացի ու տեսայ որ Մանուկի և գործաւորներու միջև սոսկալի հակառակութիւն մը ծագած էր:

Մանուկ գործաւորները բլուրի հանքերը հանելով՝ պատրաստուած քարերը տեղին վրայ հատը 12 բարայի առնել կը խոստանայ: Գործաւորներն ալ, սոյն պայմանին համաձայն, իւրա-

քանչիւրը 3-400 դրչ. ծախսելով բլուրին վրայ պատասպարութեան և գիշերելու համար տեղեր կը պատրաստեն, ածորջ 15 օր կ'աշխատին օճագներ լանալու համար, իրենց գործիքները կը տեղաւորեն, իւրաքանչիւրը 15-20 ական ոսկիի արժողութեամբ քար կը շինեն, բայց ահա Մանուկ, հակառակ իր յանձնառութեան, քարերը 12 փարայի չառներ, և՛ «Ճամբուն վրայ բերէք յանձնեցէք, 11 փարայի կ'առնեմ», կ'ըսէ, առարկելով որ աւելի գին տալը անկարելի է:

Մանուկ արդէն իբրև բռնաւոր կը վարուէր գիւղացեաց հետ. անոնք որ զինքը չէին յարգեր, նշառակ կ'ըլլային իր նախատինքներուն. շարունակ կը գանդատէին իրմէ մինչև իսկ իր մօտաւոր բարեկամներն ու ազգականները: Երբ գին որոշուլ խնդիր մը ծագէր, Մանուկ կը ջանար իր խօսքը գերադասել, յոխորտալով անոնց անճա՞հ կերպով ՚ը թէ՛ «Իմ շնորհիւս օճագները ձեռք բերիք, ձեր աղան ես եմ, ձեզմէ քանիները զինուորութեանէ ազատեցի, քանիները կարգեցի, իմ ձեռքս հաժմուրել պիտի տամ ձեզի», ևն. ևն.:

Ի զուր կը խրատէի Մանուկը. ան դարձեալ կը շարունակէր իր անուպայ ընթացքը. շատ անգամներ Տէրունեան էֆէնտի կ'ըսէի թէ Մանուկ լաւ չի վարուիր գործաւորներուն հետը, որ մը անշուշտ խնդիր պիտի յարուցանէ, բայց որովհետև Մանուկ կը շփանար Տէրունեան էֆ. ի պաշտպանութենէն, և միւս կողմէ սոյն քարի գործէն ձեռքը 1—200 ոսկի կը գտնուէր, ուստի խրատուելու վիճակէն ելած՝ այնչափ յառաջ կը տանէր իր յանդգնութիւնը որ մինչև անգամ կը գոչէր գործաւորներուն երեսին թէ՛ մի՞նչև երբևէ ձեր աղան եի, այսուհետեւ ձեր ասուածը պիտի ըլլաւ: Մանուկին այս ընթացքը արդէն պատճառ եղած էր որ 164 գիւղացի գործաւորներէն գիւղին մէջ հազիւ 65 հոգի մնար:

Ահա այս պատճառներով գործաւորները արդէն վշտացած երբ կը տեսնեն որ Մանուկ 12 փարայի գնելու խոստումն ալ չի յարգեր, բոլորովին կը պոռթկան, բացարձակ կը յայտարարեն թէ՛ այլևս Տէրունեան էֆ. ի քար պիտի չտան ի՞նչ որ ալ ըլլայ: Երբ որ զիս տեսան, ըսին թէ՛ «Մինչև ցարդ Մանուկին ճնշումն անքեւ տառապեցանք, այլևս չենք հանդուրժար, վաճառական մը գտիր, քարերը անոր պիտի տանք, և եթէ դուն մեզի չես առաջնորդեր, մենք հարկ եղածը ի գործ պիտի դնենք»:

Ես որ միշտ հաշտարար կերպով կարգադրելու միջոցը կը նախընտրէի, այս անգամ ալ գործաւորները հանդարտեցուցի, ըսելով թէ Մանուկ գործակատար մ'է լոկ. հետևաբար ձեր բողոքները կը տեղեկագրենք բուն գործին տիրոջը. եթէ այն ալ կը զրթէ իր խոստումը և յանձնառութիւնը, այն պարագային պէտք եղածը կը խորհինք»:

Գրուեցաւ 21 յուլիս թուականով գործաւորներու կողմէ Տէրունեան էֆ.ին, և Մանուկի անտանելի վարժունքի մասին բողոքելով հանդերձ խնդրուեցաւ որ իր կանխաւ յանձնառութեան համաձայն քարերը տեղւոյն մէջ յանձնելու պայմանաւ 12 փարայի գնէ և Մանուկը գործէ հեռացնէ :

Այս կերպ վարուելով կը յուսայի թէ՛ Տէրունեան էֆ. գործին կարեւորութիւնը կ'զգայ և հեռատեսութեամբ կը վարուի :

Յաւալի է որ Տէրունեան բնաւ կարեւորութիւն չընծայեց, չըմբռնեց խնդրին ստացած երեկոյթը, չզգաց թէ քարահանք ըսել քարակոտի կը նշանակէ, և իր խորհրդական Աբրահամ էֆ.ի խորհուրդին և Մանուկի կարճատևութեան հետեւելով 27 յուլիս թուակիր նամակով այնպէս պատասխան մը տուաւ որ քարակոտները բոլորովին պաղեցուց իրմէ : Տէրունեան էֆ. նոյն նամակին մէջ կ'ըսէր թէ՛ արդարեւ, քարերը տեղւոյն մէջ յանձնուելու պայմանաւ հատը 12 փարայի պիտի գնէր, բայց Պանտրմայի Քաղ. Ժողովը տասը տարուան պայմանագրութիւնը չի վաւերացուց, եթէ տասը տարուան պայմանագրութիւնը վաւերացուէր, մեր գործին կուզար և 12 փարայի կը գնէինք, հետեւաբար՝ Մանուկ աղայի առաջարկութեան համաձայն անկեղծօրէն կը յանձնարարեմ ձեզի քարերը ճամբան բերել յանձնել 11 փարայի, մինչեւ որ մեր պայմանագրութիւնը վաւերացուի Քաղ. Ժողովէն :

Քարակոտներուն ուրախութիւնը գոր ղգացած էին հանքերուն սպառնացող վտանգը անհետանալէ յետոյ, Տէրունեան էֆ.ի սոյն վարժունքով տիրութեան փոխուեցաւ : Խեղճերը նոր անխրաւութեան մը դէմ գանուեցան, Տէրունեան էֆ.ի հետ հինգ տարուան համար պայմագրութիւն մը կնքած ըլլալով գերի կղած էին անոր, և եթէ այս անգամ ալ Մանուկին խօսքը գերակշռէր, իրենց համար շատ հեռի էր հանդարտ և խաղաղ սրտով հայ մը ուսելու հաւանակահունքիւնը :

Վերոյիշեալ նամակին վրայ՝ քարակոտները Կ. Պոլիս երթալով ուրիշ վաճառական մը գանելու ձեռնարկեցին : Ասոնցմէ երեք հոգի, որոնց հետ էի ես ալ, Պոլիս գացինք, բայց հարկ էր անգամ մ'եւս Տէրունեան էֆէնտիին հետ անձամբ տեսնուել և խնդրոյն կարեւորութիւնը բացատրել : Չորս հոգի ուղղակի իր գործատեղին գացինք, հոն էին նաև խորհրդականն ու Մանուկը : Երկար խօսակցութիւններէ յետոյ վերջապէս Տէրունեան էֆէնտիին վճարար յայտարարեց թէ՛ «Պէ՛ն ԳՈՒՅՐՈՒՔ ԹԱՐԱՅԸՆՏԱՆ ԷԹ Ե՛ՄԵՄ, ՆԷ ԹԱՇ ԱԼԸՐԸՄ, ՆԷ ՓԱՐԱ ՎԷՐԻՐԻՄ. ԿԻՏԻՆ ՊԱՇԻՍ. ԹԻԻՇԱՐ ՊՈՒԼԸՆ, ԹԱՇԸՆԸԸՈՒՆ ՕՆԱ ՍՍԹԸՆ» :

Այսպէս՝ Տէրունեանէն յուսակտուր, ուրիշ վաճառական մը

գանելու ձեռնարկեցինք, բայց հետեւեալ օրը Մանուկին թելադրութեամբ գիւղէն բերուած 12 քարակոտներու միջոցաւ Տէրունեան էֆէնտի բերանացի խոստացաւ որ իր նախկին յանձնառութեան համաձայն քարերը պիտի առնէ : Ատոր վրայ, յանձնեց նաև գոց նամակ մը, պատուիրելով որ գիւղին մէջ բոլոր քարակոտներու ներկայութեան բացուի :

Տարակոտս չկայ որ նոր խաղ մը կը խաղար : Ինչ որ է : Նամակը գիւղին մէջ բացուեցաւ. նոր բան չէր պարունակեր, կը կրկնէր իր նախորդ մերժումները թէ չի կրնար առնել, չի կրնար 11 փարայէն աւելի տալ, և ինչ. և ինչ :

Քարակոտները ինձ դէմ բարկացան, ըսելով թէ՛ «Դուն պատճառ եղար, Տէրունեանն ու Մանուկը մեր գլուխը հանեցիր. մեզի ուրիշ վաճառական մը պիտի գանես, եթէ ոչ, մեր գլխուն ճարը նայինք :»

Կրկին և իբր վերջին փորձ, քարակոտներէն մէկը հետ առնելով Պոլիս անցայ, և Տէրունեան էֆ.ի երկարօրէն բացատրելով խընդիբը, զգացուցի թէ իր այս ընթացքը ուղիղ չէ, և թէ այս աստիճան ազահութեան հետեւանքը գէշ չէ : Ժամերով խօսեցայ, վերջապէս համոզուեցաւ Մանուկը գործէ հանել և երեք օրէն ուրիշ գրազիր մը ղրկել : Այդպէս ալ ըրաւ, իր քեռորդին՝ Կարպիսը գիւղը ղրկեց, և անոր ձեռքով քարակոտներուն մէյմէկ ոսկի ցրուել տուաւ իբր խառնիւրդ : Կարպիս գիւղին մէջ ամենուն ներկայութեան հրապարակաւ յայտարարեց նաև թէ՛ այնուհետև Մանուկը գործի միջամուխ պիտի չ'ըլլայ, հինգշաբթի օր Կ. Պոլիսէն Արամը պիտի գայ, դուք անոնց հետ գործառնութիւն պիտի կատարէք, և ձեր քարերը 12 փարայի պիտի գնուին :

Այս յայտարարութեան վրայ թէ ես և թէ քարակոտները ստուգիւ շատ ուրախութիւն զգացինք : Բայց այս ալ ուրիշ բան չէր, այլ նոր խառնութիւն մը, որովհետև ո՛չ Կ. Պոլիսէն գրազիր եկաւ, ո՛չ քարերը 12 փարայի առնուեցան, և ոչ Մանուկը գործին մէջէն ելաւ :

Կարպիս երբ Պոլիս վերադարձաւ, Մանուկ դարձեալ սկսաւ շարունակել իր փողոցային խօսքերն ու նախատինքները քարակոտներուն դէմ, «Չեւքէս չ'էք աղատիր, ձեզի... պիտի ցուցնեմ», և այլն, ըսելով :

Քարակոտները, այս անգամ սաստիկ զայրացած, դիմեցին Տէրունեան էֆէնտիին նամակով մը որ 80-90 ստորագրութիւն կը կրէր և զոր ես անձամբ տարի իրեն :

Սոյն նամակին վրայ, Տէրունեան էֆէնտի իր կողմէն խորհրդական Աբրահամ և իր քեռորդին Յովակիմ էֆէնտիները յանձնարարական

նամակով մը գիւղ ղրկեց: Նամակին մէջ կ'ըսէր թէ իր մասին ինչ որոշում որ տան յիշեալները՝ պիտի ընդունի և գործադրէ:

Քարակո՛վները յիշեալ էֆէնտիներուն դիմաւոր խնդիրը բոլոր պարագաներով կը պարզեն և կը խնդրեն որ իրենց քիչ մը դրամ վճարեն, որովհետեւ 2½ ամսէ ի վեր դրամ առած չեն և թէ գիւղին եկեղեցւոյն տօնը (բանայիբը) ըլլալով դրամի պէտք ունին:

Յաւալի է որ Աբրահամ էֆէնտին իսպառ կը մերժէ անոնց խնդիրը, ըսելով որ ոչ դրամ կրնամ տալ, ոչ ալ քարերը առնել, վաճառական մը գտէք, ես ալ կը ծախեմ այն քարերը որոնք առնուած են ձեզմէ: Ես նոյն օրը Պօլիս կը գտնուէի, որովհետեւ Տէրունեան էֆէնտին վարձած տունը աւերած ըլլալով, տունէն ելած միջոցին տան արիւղ կողմէ իրեն դէմ դատ բացուած էր, և դատավարութիւնը տեղի պիտի ունենար: Բայց նոյն իրիկունը շոգեհաւ նըստելով վերագործայ Պանտրմա:

Յաջորդ կիրակի օր՝ գիւղը երթալով, տեսայ քարակո՛վները խիստ արտուր վիճակի մէջ: Աբրահամ էֆէնտին մերժումը, զոր ցուրտ կերպով ինծի ալ կրկնեց, գէշ տպաւորութիւն ըրած էր: Այս պարագային երկու միջոցներ կը ներկայանային ինձ. ստիպուած էի կամ Տէրունեանի և իր գործակատարին հետ միանալով խեղճ քարակո՛վները լքել և կամ քարակո՛վները պաշտպանել Տէրունեանի դէմ: Եթէ քարակո՛վները պաշտպանէի, Տէրունեան էֆ.ին չպիտի կարենայի օգտուիլ, եթէ Տէրունեան էֆ.ի նպատակին ծառայէի, խեղճ քարակո՛վներուն դաւաճանած պիտի ըլլայի, դաւաճանութիւն մը որ պիտի վնասէր թէ տեղւոյն եկեղեցւոյ և թէ հանրութեան, որովհետեւ քարակո՛վները ուրիշ Օճագներ պիտի երթային աշխատելու, ինչպէս որ պատրաստուած ալ էին: Գիւղին մէջ հազիւ 15-20 հոգի պիտի մնար և եկեղեցին պիտի զրկուէր ամսական 10-15 ոսկի եկամուտէ մը որ կը գոյանայ իւրաքանչիւր քարակո՛վի տուած օրական 2-3 դր.ով: Պիտի զրկուէին նաև հացագործները, մսավաճառները և նպարավաճառները որոնք նոյն համեմատութեամբ կ'օգտուէին:

Նկատելի է նաև սա կէտը թէ՛ քարակո՛վները հեռագրով կուչած էին զիս որ պաշտպանեմ իրենց իրաւունքը, ինձ ապաւինած էին, և մանաւանդ իրաւունք ալ ունէին:

Հետեւաբար, որոշեցի որ հակառակ ամէն բանի, հակառակ նաև իմ անձնական շահուս, պաշտպանեմ քարակո՛վներուն իրաւունքը: Իմ առաջին գործս եղաւ վաճառական մը գտնել: Քարակո՛վները իրենց մէջէն 6 վատահիլի անձեր որոշելով, ասոնց ընկերակցութեամբ Կ. Պօլիս գացինք: Հոն քանի մը վաճառականներու դիմելէ յետոյ ամէնէն յարմարագոյնը և ամէնէն շահաւէտ պայմաններ ներկայացնողը գտանք Տէյիբմէնեան և Որդիք էֆէնտիները և

անոնց հետ համաձայնելով գիւղ վերագործանք: Մեզ ընկերացաւ նաև իրենց իրաւագէտ խորհրդակա՛նը՝ Աւագեան էֆէնտին: Գիւղին մէջ, բաւական խորհրդակցութիւններէ յետոյ, երկուստեք կատարեալ համաձայնութիւն գոյացնելով, պատրաստուեցաւ պայմանագրութիւնը և 116 քարակո՛վ, 15 նաւավար և ձիապան ստորագրեցին զայն:

Կնքուած պայմանագրութիւնը թէ քարակո՛վներու և թէ եկեղեցւոյն նկատմամբ այնքան նպատաւոր էր որ Տէրունեան էֆ.ի պայմաններուն հետ չէր կրնար բաղդատութեան դրուիլ: Քարակո՛վները ամէն կերպով գո՞ն մնացին և ուրախացան: Խեղճերը երկու ամսէ ի վեր դրամի կարօս մնացիւ էին շնորհիւ Տէրունեան էֆ.ի, մինչդեռ Տէյիբմէնեան էֆէնտին գիւղացւոց այդ արտուր վիճակը տեսնելով՝ պայմանագիրը չվաւերացուած անմիջապէս 200 ոսկի տուաւ և գործի սկսաւ:

Տէրունեան էֆէնտին երբ տեսաւ և զգաց որ քարակո՛վները առանց դրամի թողուով, նեղելով զանոնք հպատակեցնելու քաղաքականութիւնը ընդունայն է, և պիտի չկարենայ այս կերպով իր նպատակին հասնիլ, Պատրիարքարանը ձեռք առաւ, և այդ միջոցաւ ջանաց Տէյիբմէնեան էֆ.ի հետ կնքուած պայմանագրութեան Առաջնորդարանի կողմէ վաւերացման դէմ արգելք յարուցանել: Եւ արդարեւ, Պատր. Տեղապահ Մանկունի Սրբազանին պաշտօնավարութեան միջոցին, ո՛վ գիտէ ինչ կերպով համոզեց և յաջողեցաւ երկու սնդամ հեռագրով զեկուցանել տալ Պանտրմայի Առաջնորդին թէ՛ «Փաստաբանին թոյլ մի տաք միջամտելու Հայ Գիւղի քարահանքերու խնդրոյն», երկրորդ թէ՛ «Մինչև որ Կեդր. Խառն ժողովոյ կողմէն որոշում չարուի, Հայ Գիւղի քարահանքաց խնդրոյն նկատմամբ դուք որոշում մը մի տաք»:

Թէև վստահ էինք Մանկունի Սրբազանին լրջութեան և բարեմտութեան, բայց եթէ կանխաւ, յիշեալ երկու հեռագրիները ստորագրելէ առաջ, խնդիրը գէթ հարեւանցի քննութենէ մը անցընէր, ալ աւելի չըջանայեցողութեամբ վարուած կ'ըլլար: Այսուհանդերձ՝ ես դարձեալ արդարացուցիչ պարագայ մը կը տեսնեմ Սրբազանին այս պատասխանատու ընթացքին մէջ: Մանկունի Սրբազան, Տէրունեան էֆէնտի վրայ կատարեալ վստահութիւն ունենալուն, անոր բոլոր յայտնութիւնները առանց քննելու իբր ստոյգ ընդունեց և նոյն երկու հեռագրիները տուաւ: Այո՛, Տէրունեան էֆէնտին Սրբազանին վստահութիւնը ի շահ իրեն, և ի վնաս խեղճ և աղքատ քարակո՛վներու գործածեց, անոնցմէ մէկ փարա կարենալ զեզդելու համար ճշմարտութիւնը ոտնակոխ ըրաւ:

Ես կը հրաւիրեմ հիմայ Տէրունեան էֆէնտին՝ նոյն այն հան-

բութեան առջեւ որուն ուղղուած են այս բացատրութիւններս : Կը հրաւիրեմ զինքը ու կը հարցնեմ թէ ինք նախապէս յանձն չէ՞ր առած իւրաքանչիւր քարը 12 փարայի գնելու և թէ յետոյ չէ՞ դըրժած իր այս յանձնառութիւնը, առանց կարեւորութիւն տալու ո՛չ իր բերանայի խոստումներուն, ոչ ալ իր գրաւոր յանձնառութեանց և իր ստորագրութեան . կը հարցնեմ թէ ինք չէ՞ր որ վերջէն թէ՛ անձամբ և թէ Աբրահամին միջոցաւ յայտարարեց գիւղացւոց թէ չուզեր 12 փարայի գնել, և թէ գիւղացիք ազատ են իրենց ուզածին քար տալու : Կրնա՞յ ուրանալ, այս ամէնը : Բայց եթէ փորձէ ուրանալ, իրեն դէմ պիտի կանգնին ո՛չ միայն բոլոր գիւղացիները, այլ նաեւ իր իսկ ձեռքով գրուած 27 Յուլիա թուակիր նամակը, որ մինակը, կը բաւէ զինքը դատապարտելու : Ինք, ճշշելու համար խեղճ գիւղացիները, Պատրիարքարանի դուռը ափ կ'առնէ և կ'աշխատի զանոնք պաշտպանողը, այսինքն զիս՝ միջամտութենէ արզկել, որպէս զի անպաշտպան մնան և ինք ու իր գործակատարը կարենան առանց արգելքի հարկադրել քարակոփները որ աշխատին իր պահանջած գնով :

Նս արհամարհանքով կը մերժեմ իր այն դրպարտութիւնը թէ գիւղացիները գրգռողը ես եղած եմ : Տէրունեան էֆ . նախ իբրև պատուաւոր վաճառական, թող յարգէր իր յանձնառութիւնն ու խոստումը, աղքատներուն իրաւունքը չըռնաբարէր : Եթէ այսպէս վարուէր, բնական է գիւղացիք միշտ պիտի նախընտրէին իրեն հետ կապուիլ, և եթէ ես իրօք զիրենք գրգռել ուզէի, հարկ կ'այ ըսելու թէ անոնք ոչ իսկ ակնջ պիտի կախէին ինծի : Ի՞նչ կ'ուզէր Տէրունեան էֆ ., կ'ուզէր որ գիւղացիք շարունակ իբրև գերի էր բոլոր պահանջումներուն զընկալ ծռէին, միմիայն իր նպատակին ծառայէին : Արդեօք երկու տարի շարունակ քարակոփները իրեն ծառայութիւն չմատուցին, զո՞հողութիւններ չըրին, և ստիպուած չըլլալով հանդերձ, ծովուն մէջ կիսամերկ իրենց քամակներով քար չկրեցին : Մինչդեռ ինք, պայմանագրութեան համաձայն, պարտաւոր էր թէ վիճելի և թէ անվիճելի օճագներէ ելած քարերը վերցընելու, վէճի ներքև գտնուած հարուստ օճագներու քարերը չկարենալով փոխադրել, խեղճ քարակոփները միւս օճագներու մէջ չարաչար աշխատեցուց որպէս զի իրեն քար հասցնեն, և ինք ալ առատ առատ, իւզոտ շահեր ձեռք բերելով դրամարկը լեցնէ :

25^օ որ գիւղացիք Գալլըն Պրուկի մէջ 19 բարայի շինուած քունայի քարերը, որոնք աւելի ընտիր են, 16 բարայի շինեցին : Նև երբ, իրենց աղաչանքին վրայ, խնդրեցի որ 17 փարա ըլլայ, գործակատարը յամառելով, և իր խօսքը քալեցնելով՝ իմ առաջարկութեանս արգելք չեղաւ :

Հինգ տարուան պայմանագրութիւնը կնքուելու առն, գիւղին վարժարանին մէջ բոլոր քարակոփներու ներկայութեան Տէրունեան էֆ . խոստացաւ թէ երբ քարերու բիացան բարձրանայ, քարին գինը պիտի աւելցնէ, սակայն քարին գինը բարձրանալէն վեց ամիս վերջը հազիւ և շատ դժուարութեամբ երկու փարա աւելցուց, այն ալ իբր շնորհ կամ բարիք մը, զոր տասն անգամ ալ չքաշուեցաւ անոնց երեսին տալու :

Մեծ Վալթանօզ կոչուած օճագին մէջ աշխատելու առն իր գործակատարը «Վաւօզ պիտի տամ, ծախք պիտի ընեմ», ըսելով միթէ խեղճերը չխաբեց և ի՞նչ տուաւ :

Տէրունեան էֆ . Գոնեա եւ Արմուսլը մարդ գրկելով՝ «Բլուրին վրայ քարերը ընդունելու պայմանաւ 12 բարայի պիտի գնեմ», ըսելով, նոյն տեղերու քարակոփները բերել տուաւ, բլուրը հանեց, ծախքերու նիթարկեց, քար հանել տուաւ և յետոյ՝ «Ձեմ կրնար առնել, չեմ կրնար տալ», ըսաւ : Ասիկա ի՞նչ տեսակ վաճառականութիւն և ի՞նչ տեսակ բարերարութիւն է :

Չորս հինգ անգամ խեղճերը նամակ գրեցին և մինչև Կ . Պօլիս իր ոտքը եկան գացին, աղաչեցին որ խոստումները կատարէ . «Մենք քու գործակալիդ խաղալիքը չենք, մենք ալ արժանապատուութիւն ունինք», ըսին, պաղատեցոն, սակայն ինք արհամարհանքով վերաբերուեցաւ, կարեւորութիւն անգամ չտուաւ, իր վաճառատունէն մեկնելէն վերջ խնդաց անոնց հտեւէն, ծաղրեց զանոնք, և ապա, երբ իր այս անաղնիւ վարձունքին վրայ քարակոփները բնական զայրոյթով ընդվզեցան, սկսաւ զիս ամբաստանել թէ Սիպուհն է զանոնք գրգռողը :

Արդեօք ի՞նչ կը փախաքէր Տէրունեան էֆ . միթէ իրեն հետ համաձայնելով՝ գիւղացիները գրկելու վատութիւնը յանձն առնէի, անոնց ինձ նկատմամբ ունեցած վատաշուքիւնը չարաչար գործածէի :

Իր պատճառաւ քարակոփները 4-500 ոսկի մնաս կրեցին, եկեղեցին 40-50 ոսկի կորսնցուց, որովհետև եթէ ինք իր խոստման համաձայն շարունակէր քարերը գնել և պահապանները հտ չկանչէր, քարակոփները բլուրէն վար չէին իջներ, և քարերը Բերամագիններու կողմէ չէին գրաւուեր :

Այդ գողցուած քարերուն ամբողջ պատասխանատուութիւնը այսօր իր վրայ կը ծանրանայ . պէտք է որ ինք տուժէ ստոնց փոխարժէքը, որովհետև ինք խեղճերը բլուր հանելով հոն աշխատեցուց, յետոյ, երբ չյաջողեցաւ 10 տարուան պայմանաժամով նոր պայմանագիրը հաստատել տալու, զանոնք լքեց և դադրեցուց գնումը : Հիմայ կ'առարկէ թէ՛ «Բլուրը 12 բարայի իսարե չըներ» : Չար-

մանալի բան, ինչո՞ւ առաջուց չխորհեցաւ : Ասէ՛ զաւօ, հոն գտնուող միւս օճազները՝ զոր օրինակ, Ինիլի, Տիւնսերի, Արապլար, Հանի Արքին, Կեքսվիա, ձեկլիղի սերի, և դեռ ուրիշ օճազներ որոնց քարերուն տեսակը թէ ստորին է և թէ փոխադրութիւնը՝ հեռաւորութեան պատճառաւ՝ աւելի դժուար, ասոնք ի՞նչպէս իսարէ կ'ընեն :

Այո՛, կը հասկնամ, եթէ յաջողէր տասը տարուան պայմանագրութիւն մը կնքել, այն ատեն իսարէ պիտի ընէր, այնպէս չէ՞, Տէրունեան էֆ. :

Արբանամ և Յովակիմ էֆ. ները Պանարմա զրկելէն երկու օր վերջը, վաճառատանը վերի յարկը, երեք ժամ շարունակ խորհուրդ տուի իրեն, ըսի թէ՛ «Դուք Մանուկի մի՛ հետեւիք, անոր ցոյց տուած ճամբան ուղիղ չէ, դուք ձեր խոստումին համաձայն 12 փարայի սուէք, քարակոփները մի վշտացնէք, անոնք արդէն Մանուկէն դժգոհ ըլլալով եթէ դուք ալ պնդէք, վերջը չենք կրնար առաջքը առնել, ձեր շահը կը պահանջէ որ քարակոփները չվշտանան. բոլոր միւս օճազներու մէջ 12 փարատէ, նոյն իսկ ոմանց մէջ ալ աւելի. այս մասին ես քարակոփներուն 11 փարայի շինեցէք ըսելով չեմ կրնար առաջարկութիւն մ'ընել. եթէ ըսեմ, ինձմէ ալ վստահութիւննին կը վերցնեն. մէյմէկ փարայի տարբերութիւնը մինչեւ ձմեռ 7500 զրչ. կ'ընէ, այս 7500 զրչ. ը նոյն իսկ ձեր շահէն զեղչեցէք և երկու ամսէ ի վեր երեւան ելած սոյն խառնաշփոթութեան վերջ տուէք դարձեալ ձեր օգտին համար» :

Բայց ինք, փոխանակ իմ խորհուրդներուն անստու, ակամջաբար ի վար փոփոսց. «Դուք ինձի հետեւէ՛, դուք ինձմէ կ'օգտուիս, քարակոփները քեզ չեն կրնար ապրեցնել, դուք անոնց ձախող կողմը ցոյց տուր, անոնք բան մը չեն կրնար ընել» : Կը հրաւիրեմ հիմայ զինքը որ ձեռքը խղճին՝ ուրանայ, եթէ կրնայ, իր այս առաջարկը, որուն յիշատակութիւնն իսկ կը բաւէ զինքը հանրային դատաստանին նշաւակ դարձնելու :

Եւ հիմայ կը փորձէ Պատրիարքարանը, Ազգային Ժողովները ոտքի հանել, և ամէն դուռ կը բաղիսէ, այլև այլ շարախօսութիւններով զիս բամբասելու համար : Միւս կողմէ ոչ մէկ կարելի ճիգ կը ինայէ ինքզինքը գովաբանելու, բարեացակամ ներկայացնելու համար, և չի վարանիր ըսելու թէ իր դրամովը օճազ առնելով եկեղեցւոյն նուիրած է :

Պէտք է հարցնել իրեն. ս՞րն է արդեօք այդ օճազը, Չաղացքին տեղը. բայց չէ՞ որ անոր փոխարժէքը՝ զոր վճարած էր նախապէս, վերջէն հաշուակցեցաւ եկեղեցւոյն հետ այն վարձքով՝ զոր պարտաւոր էր վճարել եկեղեցւոյն՝ քար դուրս մէյմէկ փարայի հաշուով. վկայ են ասոր եկեղեցւոյն տնօրէնները որոնց մէջ գոր-

ծակատարին ձեռքովն իսկ արձանագրուած է թէ՛ «Չաղացքի տեղւոյն համար 6000 զրուշը հաշուուած է» : Ուրեմն ի՞նչպէս նուիրած կ'ըլլայ այդ գումարը : Իր հաշուով, եթէ մէկը իր վարձած սան երկու ամսուան վարձքը կանխիկ վճարէ, նուիրած կ'ըլլայ արդեօք : Երեսուցը զարմանալի արամաբանութիւն, մանաւանդ զարմանալի առատաձեռնութիւն :

Նաև կը պարծի եղեր թէ՛ զիւղին մէջ կամուրջ շինել տուի : Ծրծաղելի բան, 50 ոսկիով շինուած կամուրջի մը համար՝ իր գործակատարին՝ Արբանամին ձեռքով մէկ ոսկի միայն տալով կամուրջը ի՞նչք շինել տուած կ'ըլլայ : Այո՛, խոստացաւ կամուրջին չիմէնթօն տալու, բայց աւելի քան 20 տոպրակ չիմէնթօն փոխարժէքը եկեղեցւոյն հաշուին անցուց, և մինչև իսկ չմոռցաւ ետ առնելու պահապ տոպրակները :

Հիմայ որ իր բարեբար!! կը ձեռնայ, կ'արժէ որ իրեն յիշեցընեմ այն նամակները զորս ինձի գրած է, երբ տակաւին լաւ մարդ էի իր աչքին :

Մինչդեռ ես Պարքէսերի և Պանարմայի մէջ բուն սեփակուտութեան խնդրով զրազած էի, ստիպողարար կը դրէր ինձ որ սեփականութեան դատավարութիւնը ձգեմ և Պոլսոյ մէջ արգելքի տակ առնուած իր 200 ոսկինոց քարերուն, այսինքնի որ անձնականին վերաբերեալ քարերուն դատավարութեան ներկայ գտնուիմ : Մինչև անգամ դատավարութեան օրէն շարաթ մը տուալ զիս Պօլիս կանչելը, և իր նամակին մէջ «Մուհաբէմէ կիւնիստէն պիր հաֆթա էվլէլ պուրտա պուլունմանըդ էլլէմ ար պուրտա պիր քարար վէրէիմ նէ չէյ իչիւն մուհաբէմէ հուզուրնտա, խտտա էտէճէյիմիդի, քաչ տէֆա պու մուհաբէմէ իչիւն լազըրար էթտիյսէք սիլիւլէ, սիլ օ թաչարը ունուտըն տէրտիսիլ. պէն օ թաչարը ունուտամալ չիւնքի օնլար հաճըրտա զալտըգճա պէնիմ տավամ պիթմէմիշ օլուր պէնտէ մալումընըդ տրքի ուղուն միւտտէթ տավայցան նիզալան եաչամագ իսթէմէմ. ելվիլ պու պիզիմ մուհաբէմէ պիքիլի սօնրա քոյիլիքիմ սավասը», գրած ըլլալը մոռցեր է կարծեմ, սակայն իր նամակը քովս է : Եւ այդ նամակը ուրիշ ամէն բանէ աւելի կ'ապացուցանէ թէ ամբողջ այս խնդրին մէջ ինք ո՛չ թէ զիւղացւոց, այլ զուտ իր սեփական շահը կը հետապնդէր :

Որպէսզի ոչինչ մտէ մնայ այս մասին, այստեղ նոյնութեամբ արտագրեցի իր նամակին վերոյիշեալ մասը : Անա այդ զգացումները կը տածէր իր թէ զիւղացւոց և եկեղեցւոյն օգտին համար աշխատող այս զարմանալի բարեբար!! :

Անա ապացոյց թէ Տէրունեան էֆ. այս խնդրին մէջ ուրիշ հոգ չունեցաւ՝ այլ միայն իր անձնական շահը : հոգը չէր թէ ի՞նչ կ'ըլլայ

օճագներու դատը, կը բաւէր որ քար բերուէր Պօլիս: Իր նամակներուն մէջ «Աման քար հասցուցէք, գոնէ շաբաթը 40,000 դրկեցէք», կը գրէր արդէն: Երբ անտառաց նախարարութենէն փոխադրութեան դէմ արգելք մը կամ հակառակութիւն մը կը յարուցուէր, անմիջապէս կը յուզուէր և հոս ու հոն կը վազէր: Իսկ օճագներու սեփականութեան խնդիրները լսել անգամ չէր ուզեր: Եթէ պէտք ըլլար նոր ապացոյցի մը, այն ատեն պիտի հարցնէի իրեն. — «Երկու տարիէ ի վեր տասը հազար անգամ խօսակցութեան նիւթ դարձած այս քարահանքերու խնդիրը ի՞նչ է, բացատրեցէ՛ք»: Կրնաք վստահ ըլլալ որ չպիտի կրնար պատասխան մը տալ, որովհետեւ բուն խնդրոյն մասին հետաքրքրուած իսկ չէ: Արդէն միայն իր շահուն վրայ մտածելուն, ուրիշ շահուն վրայ մտածելու ժամանակ ալ չէ ունեցած:

Կ'ըսէ եղեր թէ՛ «Ես ալ այսչափ ծախք ըրի, դրամս վտանգի ենթարկեցի, և եթէ դատը կորսուէր ես պիտի վնասուէի»: Ասկիւ ըսելով անշուշտ իր անձնութիւնը ապացուցանել կ'ուզէ: Բայց ասկիւ թերեւս ազդեցութիւն մը ընէ խնդրին տեղեակ չեզոզներուն վրայ, մինչդեռ բոլորովին հակառակ է իրականութեան: Այս կէտը ապացուցանելու և իր կարծեցեալ աճնութեան առասպելը քանդելու համար կը բաւէ որ իրեն հարցնեմ թէ ո՞ր թուականէն սկսաւ իր դրպանէն ծախսել այս քարահանքերու գործին համար:

Երբ հինգ տարուան պայմանագրութիւնը կնքելով իրեն բերի, ինք արդէն Մարտիանի միջոցաւ 200,000 քար առած էր՝ և աճնուազըն 160 ոսկի շահ ըրած էր: Միայն պայմանագրութեան թուականէն սկսաւ ծախք ընել. երբեմն 3, երբեմն 5 ոսկի տալով, այլ սակայն միւս կողմէ՝ գիւղէն անընդհատ կը բերուէին քարերը գործ ծախելով կը շահէր: Եւ իր ծախքը շահուն $\frac{1}{8}$ -ն անգամ չէր:

Ինք ոչ միայն իր քսակէն 10 փարս չծախսեց, հապա իր շահուն հազիւ $\frac{1}{6}$ ծախսելով, մնացեալը կամացուկ մը իր դրամարկըր տեղաւորեց: Ի՞նչ կը կարծէր արդեօք, կը կարծէր թէ այսքանը չտեսնելու չափ կ'օճը էինք: Քարին բուն գինը յայտնի է, փոխադրութեան, անտառի, մաքսի, նաւալարձքի և եկեղեցւոյ տրուած ծախքերը որոշ և կանոնադրուած են. ծախուած գիներն ալ բացայայտ են, ուրեմն գաղտնի ի՞նչ մնաց որ չը գիտցուի: Ո՛ր է իր վտանգուած 300 կամ 500 ոսկին. ինչպէ՞ս կրնար այդ գումարը վտանգուած ըլլալ, երբ անոր քանի մը պատիկը շահ ըրած էր արդէն: Պիտի կրնայ ասոնց պատասխան տալ:

Արդեօք գործարան շինել տուաւ, գործիքներ բերաւ, թէ գրամագուլու՜ յատկացուց: Իրաւ է որ քարակոփներուն 200-250

ոսկի ավանս տուաւ, բայց այս դրամը բնաւ վտանգուած չէր: Այդ ավանսի դրուածիւնը սովորութիւն մըն է, որուն կը հպատակին բոլոր քար հանել տուող վաճառականները: Եւ ավանս տալ՝ կորուստ ընել կամ դրամը վտանգել չի նշանակեր, քանի որ աշխարհք արարատ գիտէ թէ քարակոփները մաս առ մաս կը հատուցանեն իրենց պարտքը, ինչպէս որ իրեն ալ հատուցած են:

Ինք մէկ կողմէն քարակոփներուն շինողչէք կը վճարէր և միւս կողմէ թաղապետութիւններէն քարերուն փոխարժէքը կը գանձէր: Եթէ ուրիշ հանքերու նման հորեր պեղելու, մեքենայ և գործիքներ բերելու համար ծախքերու ենթարկուէր, ոչինչ կրնայինք ըսել, բայց այս գործին մէջ քարակոփներուն տրուած շինողչէքէն դատ ի՞նչ բանի 300 կամ 500 ոսկի յատկացուց որ ի դրամը վտանգած ըլլար: Անօգուտ են այն խօսքերը գորս կը յեղյեղէ մեր բացակայութեան՝ և խնդրոյն անտեղեակ անձերու ներկայութեան: Հրապարակաւ թող ըսէ որպէսզի Հայ Գիւղի քարակոփները և Պանտրմայի մէջ խնդրին մօտէն տեղեկութիւն ունեցողները իմանան և իր արժանի պատասխանը տան:

Մնաց որ, ինչպէս յայտնի է օրէնսդէտներու, դատը կորսուելու պարագային ալ իրեն վնաս չէր գար, քանի որ քարակոփները կը կրէին վնասը: Չէ՞ որ Պ. Գութօ, եթէ դատը շահէր, չէր կրնար իր օճիքէն բռնել, քանի որ իրեն հետ գործ մը չունէր. մինչդեռ ամենայն իրաւամբ կրնար քարակոփները հետապնդել, առարկելով թէ իր օճագները բանեցուցին և իրեն վնաս տուին: Ես արդէն այս պարագաները Տէրունեան էֆ. ի լաւ մը բացատրած էի և ինք անոր համար մտաւ այս գործին մէջ: Ինք համոզուեցաւ որ դրամագուլու յատկացնելիք և նիւթական գործողութիւն պահանջող գործ մը չէ ու ունէ վտանգ չի սպառնար իր դրամին:

Արդէն կարելի՞ բան է երեւակայել վաճառական մը որ Պօլսոյ մէջ ապահով եղող իր դրամը վտանգելու համար ելլէ մինչև Հայ Գիւղ երթայ և անստոյգ շահագիտութեանց մէջ նետուի: Տէրունեան էֆ. յիմար չէր անշուշտ: Եթէ դրամ արամադրեց, պատճառը սա է որ բոլորովին ապահով էր թէ այս գործին մէջ կորսնցնելիք ոչինչ ունի:

Իր առաջին ծախքն է ինձ տրուած շոգենաւի և կառքի վարձքերը, որոնց վեց ամսուան հաշուեցուցակը իմ ձեռքս է: Անկէ ականբեւ կը տեսնուի թէ՛ երբեմն շաբաթը կամ տասնընից օրը անգամ մը 3 և 5 ոսկի ծախք ըրած է. սակայն՝ այդչափ միջոցի մէջ մավունաներով քար կը բերուէր, և ինք քարի շահուն $\frac{1}{3}$ -ն կամ $\frac{1}{6}$ -ն հազիւ կը ծախէր: Հաշիւը բացայայտ է, չի կրնար գաղտնի պահուիլ: Եթէ իր յիշողութիւնը կարճեցեր է, թող բարեհաճի իր տեսարակներուն դիմել. անոնք կրնան գինքը համոզել:

Ապա ուրեմն՝ «Ծախքերու ենթարկուեցայ, դրամս վտանգեցի, և ին», աղմկայոյց բացագանչութիւնները լոկ չափազանցութիւններ և պռոտախօսութիւններ են :

Գալով իր ինծի տուած դրամին՝ «Չորս հարիւր ոսկի տուի, դեռ ի՞նչ տամ, փոխանորդի մը 400 ոսկի վարձք չի՞ բաւեր միթէ», կ'ըսէ եղեր ասդին անդին, հայհոյութիւններ ալ չինայելով : Իր յիշոցներուն բան չեմ ըսեր, որովհետեւ մարդուս ընդոծին ընաւորութիւնը անխօսիս է, որչափ ալ Պօլիսի, Բարիլի և Լճնոսնի պէս քաղաքակիրթ միջավայրեր գացած ու տեսած ըլլայ : Իսկ վարձքի մասին՝ ենթադրենք թէ՛ ինծի 400 ոսկի տուաւ. արդարեւ մեծ գումար մ'է այս, մինչև իսկ 300, 200, 100 ոսկին փոխանորդի մը համար շատ է, սակայն գործ կայ որդէն համար 2000 ոսկին ալ քիչ է. փոխանորդի մը վճարուելիք վարձքը կը չափուի գործին կա, բեւորութենէն, արժէքէն և հարկ ըլլալիք աշխատութենէն ու տեւողութենէն : Պօլսոյ պէս հրապարակի մը վրայ գործող վաճառական մը պիտի ըլլայ, չէ՞ր կրնար սյսքան տարրուկան բան մը գիտնալ : Մնաց որ, ո՞վ բաւ իրեն թէ՛ ես գործին լոկ փոխանորդն եմ :

Առաջնորդ Սրբազանին վերոյիշեալ նամակին վրայ՝ լքուած, մեռած և կորած այս խնդրոյն վերաբերեալ միմիայն արձանագրութիւնները հետազօտելու և ստուգելու համար երկու սարի տքնողը ես եղած եմ, Պատրիարքարանի պարութաներուն մէջ պահուած երկու փաստաբաններու այն տեղեկագրին թէ՛ «Այս դատը չի յաջողիր, գիւղացիները անիրաւ են», և ուրիշ ինձ ընդդիմադիր փաստաբաններու և գիւղացիներէն կարեւոր մասին Գութոններուն հակառակ գտնուելուն դէմ համարձակելով հրապարակ նետուողը ես եղած եմ. այնուհետեւ, ըստ գործերս երեսի վրայ թողած, յաճախորդներս ցրուելով և ուրիշ ապրուստի աղբիւրներս փակելով, երկուքուկէս տարի անընդհատ այդ գործին նուիրուողը դարձեալ ես եմ : Չորս անգամ պետական խորհուրդէն, երկու անգամ Տէֆթէրխանէի վարչութեան յանձնաժողովէն, չորս հինգ անգամ Բ. Գոնէն, Պալքէսէրի և Պանտրմոյի վարչական ժողովներէն տեղեկագիր, որոյմնագիր, և այլն ձեռք բերողն ես եմ : Ասոնց ամենուն մէջ փոխանորդ Սեպուհը գրուած է, ոչ թէ՛ չիմեքօնի, փիքեքի Տէրունեան էֆէնտի, և կամ հաճի Բուզանդի որդի պալլըքի Մանուկ :

Եթէ ես՝ համարձակ հրապարակ չնետուէի, և չի պնդէի թէ այս դատը անշուշտ կը յաջողի, եթէ քարակոմիները չը համոզէի, կարելի՞ էր որ իր դրամարկը 3000 ոսկիի մօտ գումար մը մտնէր : Ինք իր գործը միայն գիտէ. ուրեմն թող չիմեքոյի կերէն եւ պատէն անդին չանցնի : Ինք ի՞նչ կը հասկնայ կառավարական գործերէ, օրէնքներէ, կանոններէ և պաշտօնական գործողութիւններէ :

Դեռ մինչև այսօր լուր չունի և չէ հասկցած թէ գործը ի՞նչ տեսակ օրինական ձեւ առած է :

Սկիզբէն ի վեր այս գործին թէ հնարողը, թէ ձևադրուան, թէ համարձակողը, թէ անօրէնը, թէ փոխանորդը և թէ գիւղացիները համոզելով իրեն հետ պայմանագրութիւն կնքել տուողն ես էի, իսկ ինք՝ վաճառատանը մէջ նստած՝ մէկ կողմէ դրամ տուող և միւս կողմէ դրամ առնելով, աւելին դրամարկդին մէջ տեղաւորող արկղակալ մըն էր : Ուրիշ ի՞նչ ըրեր է ասկէ զատ և արդէն ի՞նչ գիտէր որ ինչ պիտի ընէր : Եւ ամէնէն վերջը, մօտ 3000 ոսկի զուտ շահ մը գրպանելէ յետոյ, կը գոչէ թէ՛ այլևս ի՞նչ պէտք էր տալ, 400 ոսկի չի՞ բաւեր...

Ես այնչափ միջոցի մէջ 600 ոսկի ծախք ունիմ, պարտական մնացի ինչպէս որ գիտէ ինք ալ. Բերայի մէջ արարթըմա՞ն չինել տուի թէ պանդոկ. ես ուր որ բնակութիւն հաստատէի ամիսը 25 ոսկի կը շահէի. միթէ չէի՞ շահած : Ինք գիտէր թէ երկու տարի առաջ ինծի առաջին կարգի գայմագամութիւն առաջարկեցին, բայց այս խնդրոյն պատճառաւ չի կարողացայ ընդունիլ. բայց սասի, դիրքս անգամ վտանգի ենթարկեցի, և եթէ այս դատը կորսուէր, ի՞նչ պիտի ըլլար իմ դիրքս. ո՞չ ապաքէն այս կողմերը ապրիլ անկարելի պիտի ըլլար. արդեօք այնչափ թշնամիներ չպիտի՞ յարձակէին իմ վրայ, լրագիրները հրապարակաւ չպիտի՞ պախարակէին զիս թէ ժողովուրդին թշուառութեան պատճառ եղար և անոր ու եկեղեցւոյն իրաւունքը իսպառ կորսնցուցիր : Եւ արդէն՝ իր լրագրական բարեկամներէն մին՝ առանց խղճահարելու և առանց խորհելու, հրապարակաւ չպախարակեց զիս թէ՛ «Սեպուհ օճաղները իր վրայ կը դարձնէ, կամ կ'ուղէ եղեր դարձնել», մինչդեռ Պանտրմոյի, Հայ Գիւղի և Պալքէսէրի աղգայինք քաջ գիտէին թէ ես այդ խնդրոյն համար ի՞նչ զոհողութիւններ յանձն առած և որչափ եռանդալին աշխատած եմ : Գոնէ պէտք է գիտնային թէ փոխանորդ մը ըստ օրինի արգիլուած է իր անուան դարձնել այն ստացուածքը որուն փոխանցման համար փոխանորդ կարգուած է :

Տէրունեան էֆ. գիտէր որ ես այս հողերը ձեռք բերելով նախ Պուրկազեան Մանուկին ժառանգորդաց վրայ և ապա Առաջնորդ Սրբազանին անուան փոխանցելու փոխանորդ էի. ուրեմն ինչպէ՞ս կրնայի իմ անուանա փոխանցել տալ. կարելի՞ է այս ըստ օրինի : Մարդ յիմար ըլլալու է, գոնէ վայրկեան մը հաւատալու համար թէ Ֆերադի յանձնաժողովը կը հաւանի ասանկ գործողութեան մը : Եւ եթէ երբեք կարելի ալ ըլլար, ամբողջ Հայ Գիւղի ժողովրդեան, Պանտրմոյի Գաւառական և Գալ. ժողովներու, Առաջնորդին, Հայ Գիւղի Թալ. Խորհրդոյ և գիւղի մըխարից և անդամոց աչքին

առջև կարելի էր այս տեսակ բան մ'ընել: Մարդ եթէ քիչ մը տրամաբանութիւն և հինգ բարայի խելք ունենայ, այսպիսի սրարքի մը հաւանականութեան չի հաւատար:

Ահա՛, ինչպէս կը տեսնուի, հաւատարիմ ու եռանդուն ջանքերով, առանց թերահալու պարտականութեանս մէջ, ազգին քսան տարիէ ի վեր կորսուած, փճացած և մօտ 15,000 ոսկիի արժողութեամբ մէկ սեփականութիւնն էր որ փրկեցի: Եւ տակաւին սիրտ ունին զիս զրպարտելու ու քննադատելու: Բայց այստէ չհրեւար որ ես այս խնդրին մէջ ամէն բան միանգամայն կը վտանգէի. որովհետեւ, հարկ կա՞յ լսելու, յաջողութեան պարագային իսկ զիս քննադատելու և զրպարտելու յանդգնողները, յոռեգոյն դահլիճի մը պէս պիտի վարուէին ինծի հետ, եթէ դատը կորսնցնէի:

Գուրեան Սրբազան երկու անգամ ստիպողաբար զիս Պօլիս կանչեց, որովհետեւ հակառակորդ կողմը իր բարեկամներուն միջոցաւ շարունակ Պատրիարքարանը կը թելադրէր ու կը ձանձրացնէր ըսելով թէ՛ «Դատը պիտի կորսնցնենք, վերջը զիւղացիներուն մեղք պիտի ըլլայ, փաստաբանին խօսքերուն ականջ մի դնէք, սուտ կը խօսի»: Բայց Գուրեան Սրբազան ոչ թէ Մանկունի Սրբազանին պէս իսկոյն փաստաբանը միջամտութենէ արգիլելու հրաման տուաւ, այլ անմիջապէս զիս կանչեց, լսեց, համոզուեցաւ և մինչեւ անգամ շնորհակալութիւն յայտնելով բարեմաղթութիւններ քրաւ:

Ես այս գործին սիրոյն շատ սնդամ անձս վտանգի ենթարկեցի. երբ հարկ ըլլար, ձմեռուան խստաշունչ օդերուն, ծովուն փոթորկերը հարկ ըլլար, ձմեռուան խստաշունչ օդերուն, ծովուն փոթորկալից վիճակը առանց նկատի առնելու, շոգենաւ նետուելով Պանտորմա կ'ելլէի. քանի անգամներ ալեկոծութենէ մեր շոգենաւը ընկզմելու աստիճանին հասաւ: Պանտորմայի ծանօթները շատ անգամ կը յանդիմանէին զիս թէ՛ «Դուն ընտանիք ու զաւակներ չունի՞ս, այսպիսի փոթորկայոյզ օդով ձամբորդութիւն կ'ըլլաս» ևն.։ Ինքն իսկ, Տէրունեան էֆ.՝ ահա թէ ինչ կը գրէր ինծի. «Մօն չէր, օ կիթալիյի-նիզ կիճէ, քէզա էրթէսի կիւնիւ էվ վէ մաղազա խալընձա հէբի-միզ էնտիչէ վէ մէրազտա խիք, օ՛ հալատա օ սուգտա վէ օ քար թիբի իլէ պու չօճուգ նասըլ Պալըքէսէրէ կիաէճէք աիր տէլի. չօգ չիւքիւր, տիւնքի կիւն սապահլայրն ալտըղըմը թէլէզրաֆտան. չօգ մէնուուն էթալինիզ պիզի, չուցի հեք դիւրիլ քեհիլիք վար սը սէ-լամէթ կիթմիչսինիզ չօգ մէնուուն վէ մէսուր օլաըգ»:

Ինք ասոնց ամենուն ականատես ու տեղեակ էր, բայց խնդիրը զրամին գալուն պէս ոչ միայն ամէն բան մոռցաւ, քլլ ամենէն վերջը, զիս բողոքովին դուրս նետելու համար, քսան տարիէ ի վեր հօրս և ինծի երախտապարտ գտնուող գործակատարը խիստ ձարտար կերպով թունաւորելով զրգուեց ինձ դէմ և զիս նախատել տուաւ անուր հայնոյութիւններով:

Այն խեղճ արարածն ալ, իր կարճամտութեամբ չկրցաւ հասկընալ Տէրունեան էֆ.ի բուն նպատակը, թունաւորուեցաւ և սկսաւ առջին անգին անուանարկել զիս, որ իրեն բացի բարութիւնէ ուրիշ գէշութիւն մ'ըրած չէի: Բայց որո՞ւ վնասեց, եթէ ոչ միմիայն իրեն: Ան զիս վշտացուց և ասով վշտացան գիւղացիները, որոնք արդէն իմ սիրոյս համար կը լռէին, սակայն հիմա ամենքն ալ իրմէ երես դարձուցին և թշնամիներն ալ սկսան վրէժ լուծելու, և այնչափ յառաջ գացին որ այսօր դատարանէն բանտարկութեան որոշում տրուած է իր մասին:

Ահա թէ Տէրունեան էֆ. գործը մինչեւ ո՛ւր հասցուց, որպէս զի կարենայ իր շահախնդրական նպատակը իրագործել: Իր գործակատարին ենթարկուած այս փորձանքին բուն պատճառը ինք է. ինք է նաեւ բուն հեղինակը այն վնասներուն որոնց ենթարկուեցան խեղճ քարակովինները:

Ինք իր գործակատարին անարգել տուաւ ո՛չ միայն զիս, այլ և Պանտորմայի Բաղ. Ժողովոյ Անդամներն ու Առաջնորդ Սրբազանը, որոնք այդ անուպայ անձին կողմէ փողոցներու և շուկաներու մէջ նախատուեցան անօրինակ չարախօսութիւններով: Պատճառը պարզ է: Մինչդեռ իր պայմանագրութեան լրանալուն 3¹/₂ տարի պէտք էր, այս պայմանաժամը տասը տարուան բարձրացնելու համար աշխատեցաւ և իմ գիւղէն բացակայութեանս մէկ միջոցին որքան ալ միտմիտ քարակովինները համոզելով պայմանագրութիւն մը ստորագրել տուած էր, բայց չկրցաւ վաւերացնել տալ Պանտորմայի Բաղ. Ժողովին:

Եթէ ինք հաւանութիւն չունենար՝ իր գործակատարը կը համարձակէր այդ կերպ վարուելու. և երբ տեսաւ որ այս կերպով ալ չի յաջողիր. Հայ Գիւղի միամիտները զրգուեց որ Պանտորմայի Բաղ. Ժողովին վրայ յարձակին և պայմանագրութիւնը վաւերացնել տան:

Բնականաբար ինք պիտի ուրանայ այս կէտը: Բայց դարձեալ իր նամակը պիտի ելլէ իրեն դէմ: Ահա թէ ինչ կը գրէր գիւղացիներուն այդ մասին.—

«... Թապիի քի Բաղ. Ժողով էր ես կէճ անլաեաճագ քի քէնտի եարտըզարը քէօյլիւնիւն մէնֆաաթընա քարչը տրր: Եանի պէն էօյլէ զանն իտէրիմ քի պիր թաշճը քօճա թարլատա իլէտիւ-նիտէ քէնտիսի տահա զիեաաէ ֆախաէլի վէ իտիֆաաէլի օլուր, նէ սէպէպէ մէպնի քէօյլիւնիւն էքմէլինէ վէ թիճարէթիւնէ մանի օլտըզարընա սնկայամամ. եալլնրզ չուրաաընր կէօրիւրիւմ քի պիր գաչ տանէ խաաիլէրին ինթիգամընա սւմուս քէօյլիւ գուրպան օլուր. Բաղ. Ժողով քէօյլիւնէ սէյօր քի սիզ 20 դր. գազանմայրն սիգէ չօս սը օ գրսար, սիգէ օն դր. Եէրիւր. պէն պազա քարզ անլամամ պուեր»:

Արդ, ինք, երեսփոխան, Թաղ, Խորհրդոյ և Տնտեսական Խորհրդոյ անդամ ըլլալով, իրեն կը վայելէր որ տգէտ ժողովուրդը Առաջնորդին և Քաղ. ժողովին դէմ գրգռէր: Ու մտածել թէ այս ամէնը բրած է սոսկ իր անձնական շահուն, սոսկ շահադիտութեան համար:

Յայտնուեցաւ անա թէ ո՞վ է ժողովուրդը գրգռողը, ե՞ս թէ ինք: Ինք դեռ ուրիշ միջոցի մըն ալ դիմեց որպէսզի իր նպատակին հասնի: Իր խորհրդականը, Տէրունեան Աբրահամ էֆէնտին, Պանաբրմայի գայմագամին գիմելով ըսաւ թէ՝ «Հայ գիւղի մէջ complot մը կազմուեր է, դրամ կը ժողվեն և ասոնց պարագլուխն ալ Սեպուհն է, վարչական միջոցաւ արգիլեցէք»: Սակայն գայմագամը, ուշիմ մարդ, կ'ըսէ թէ՝ «Ձեր այս յայտնութիւնը գրաւոր ներկայացուցէք որպէս զի պաշտօնական հետապնդութիւն կատարեմ»: Նորին մեծապատուութիւն Տէրունեան Աբրահամ էֆէնտին «Շատ աղէկ», ըսելով կը մեկնի, անգամ մըն ալ երեւան չելլելու համար: Կրնա՞ն ուրանալ: Գայմագամը ողջ է, Առաջնորդ Աբրահամն ալ ողջ է, յետոյ Գայմագամը՝ Առաջնորդին և իմ ներկայութեանս ցաւ յայտնեց ըսելով թէ՝ «Հայու մը բերնէն այսպէս խօսք մը լսելով խիստ զգացուեցայ, սիրտս արևնեցաւ»: Ողորմելի Աբրահամ էֆէն կարծեմ մոռցեր է թէ, ի՞նչ չըջանի մէջ կ'ապրինք, և առանց խղճահարելու հոս ու հոն կը զրպարտէր և կը բամբասէ Առաջնորդ Աբրահամը՝ որովհետեւ իր կնքել ուղած տասը տարուան պայմանագրութիւնը չվաւերացուց: Երեք չորս տարիէ ի վեր ինք կը տեսնէր որ Ն. Աբրահամը ժողովուրդին և եկեղեցւոյ օգտին ծառայեց. իր միակ ջանքն ու փափաքն էր պաշտպանել անոնց իրաւունքը որուն համար գիշեր ցիւրեկ իր հանգիստը թողած կ'աշխատէր Պանաբրմայի և Պալլեքէսէրի մէջ, գրաւելով նաեւ կառավարական պաշտօնէից համակրութիւնը իր անշահախնդիր և ուղղամիտ բնաւորութեամբ: Հակառակ կորդներու դէմ մաքառեցաւ, իր քսակէն 10—12 սակի ծախսեց, առանց մէկէ մը հինգ փարա առնելու, ի հարկին զիշկրանց նաւակով Հայ Գիւղ գնաց, և վերջապէս սա քարահանքերու խնդրոյն անձնուիրութեամբ, և իրեն առաջարկուած մեծամեծ խոստումներուն չը զիջանելով կատարեալ հաւատարմութեամբ և անվիճելի աշխատեցաւ մինչև վերջը:

Այն ատեն աղէկ էր: Իսկ հիմայ գէշ եղաւ, որովհետեւ չուղեց Տէրունեան էֆ.ի շահուն ծառայել՝ գիւղացւոց և եկեղեցւոյն շահը րոտակոխ չընելու համար:

Տէրունեան և Աբրահամ էֆ.ները, ջատուկ կիներու պէս ի զուր կ'աշխատին այս ու այն բամբասել: Իրենց բամբասանքին առարկայ դարձած անձերը պէտք եղածէն աւելի ծանօթ են ո՞չ միայն Պանա-

աբրմա-Պալլեքէսէրի, այլ նոյն իսկ Պօլտոյ մէջ: Ի զուր կ'աշխատին ու կը վասնեն իրենց ժամանակը: Տակաւին համոզուեցան թէ անօգուտ է ըրանին:

Կը յուսամ որ հանրութիւնը բաւականէն աւելի լուսարանուեցաւ թէ ամբողջ այս խնդրին մէջ Տէրունեան էֆ. ի՞նչ դեր կատարած է իրօք: Ինք իբր բարերար մը կը ներկայանայ, բայց մենք անձերքելի փաստերով ասպացուցինք թէ պարզ շահագէտ մըն է որ սոսկ իր սեփական շահը կը մտածէ, և անկէ դուրս՝ հողը անգամ չընէր, կ'թէ նոյն իսկ զիւղացիք բոլորովին կործանին:

Սակայն հանրութիւնը թող չկարծէ թէ Տէրունեան էֆ.ի ամբողջ նպատակը այս եղած է: Ատիկա ոչինչ է բողոքատմամբ իր մեծ փափախից:

Միաբանելով գործակատար Մանուկի հետ, Տէրունեան էֆ. ծածկաբար աշխատեցաւ նոյն օճագները փոխանցել տալ Մանուկի և կամ իր անուան: Փափաքեցաւ որ գիւղացւոց 13-15000 սակի արժողութեամբ յիշեալ սեփականութիւնն իր անուան Ֆերաղ ըլլայ... Ասոր ի՞նչ պիտի բսէ արդեօք:

Եւ չկարծուի թէ ասիկա օգային գրպարտութիւն մըն է: Ասիկա բուն իսկ իրականութիւնն է, և դարձնալ Տէրունեան էֆէնտին է որ պիտի զայ հաստատել այս կէտը: Անա թէ ի՞նչ կը գրէր ինծի այդ մասին 7/20 Մայիս 1911 թուակիր նամակով.—

«Նասրէթի Մանուկատա եղմը՝ զամբ ալինիզէտէ պիւտիրմէկէ իգթիզա կէօրիբիւմ ինքիզալ օլաւագ արագիինց պե սեքե միւսսէր իչիւն պեկիմ նամրմա ինրա ինիւմսիցի Մանուկի կէօրիւքեիք ինապրնա ինրասընր այրունա սիգսեկ սալի բինա իսքիւմ... Ինչալլան սալը կիւն պուրտեա կէլտիլնտէ պու ալտիմ սուրէթտէ մուամլէլի եարուպ կէլմիշ օլուրտունուզ վէ պունը պէնէ մէնայ սիզին իչկիւղարլըզ վէ տիրայէթինիզտէն պէքլէրիմ»:

Դարձեալ իր գործակատարին գրած 4/17 Մայիս 1911 թուակիր նամակին մէջ կ'ըսէ.—

«Ինթիզալ մուամլէլէսի հազընտա նասրէթի պուրտա կէօրիւշմիւշտիք, օլ վէճհիլէ իչին իճապրնա կէօրէ տիւշիւնիւր վէ իգթիզաարնը եարարսընը... Եանի արագիինց ինքիզալի եա սեկից եա պեկիմ նամրմա օլմալը. սէնին օլուրտա պէլթի քէօլիւ պիր շէյտէր, պէնիմ իւզէրիմտէ օլմասր տահա մինասիպ օլուր»:

Դարձեալ 7/20 Մայիս 1911 թուակիրով իր գործակատարին գրած նամակին մէջ կ'ըսէ.—

«Նասրէթի ազտէմճէ, եանի պուրտան էվէլթի մէքթուպրմտա եաղմըշտըմ, եինէ թէքրար էտէրիմ... Եարլաւաճալ ինթիզալ 5 սէնէ միւտաէթ իչիւն պէնիմ իւզէրիմէ օլսուն. մէկմուլ էթմէմքի քէօլիւ պու-

նա մուխալէֆէթ էթահն, մամաֆի կէչէն տէֆա եարըլան մուամէլէի թապի ունութ մամրչընտըր . իսթէրիզֆի քէօյլիւ հէր վագրթ պիլլի էլմէմէք իչուն եէտիմիդտէ պիր թէէմինաթ պուլունսուն» :

Այս երանելին, շահամուլութենէ դրդուած, և դիմացինն ալ իրեն պէս կարծելով, միամտութիւնը ունեցեր է ենթադրելու թէ ո՛ր է և է առնել իր ազգին արդար իրաւունքը այսպէս ի վաճառ հանելով և ողորմելի շահագէտի մը գողը նետելով : Ոչ միայն ասոր հաւատացեր և համարձակեր է այդ անարժան առաջարկութիւնը ընելու, այլ նոյն իսկ, նոյն հողերուն սեփականութեան իրաւունքը ունենալու համար պատրուակ մըն ալ հնարեր է, ինչպէս կը գրէ իր նամակին մէջ :

Ի՞նչ ծիծաղելի պատրուակ : Խեղճ գործաւորները ինչպէ՞ս պիտի կրնան ճնշում բանեցնել վաճառականի մը վրայ : Գործաւորները շատ շատ բանթող կ'ընեն, նոյն օճագները կը թողուն և կերթան ուրիշ օճագներ տարբեր վաճառականի մը հաշուոյն աշխատելու : Անա այսօճագներ տարբեր վաճառականի մը հաշուոյն աշխատելու : մաշափ մ'է գործաւորներուն ընելիքը : Ասոր մէջ ո՞ր է ճնշումը, մաշաւանդ Տէրունեան էֆ . ի մեղապարտ մտածումը իբր թէ արդարացընող ճնշումը :

Տէրունեան էֆ . ի մէկ բան միայն կը մնայ այս յայտնութիւններէն վերջ . բացէ ի բաց խոստովանիլ թէ ինք վախաքեցաւ այդ հողային սեփականութիւնը իր վրայ դարձնելու, որպէս զի կարենայ քարակոյնները բանեցնել ուղած ժամանակը և ուղած գնովը, կամ, աւելի ճիշդը, որպէս զի ապահով ըլլայ թէ պիտի կրնայ ուղածին պէս ճնշել ու շահագործել քարակոյնները :

Այլ եւս ազգային իշխանութիւնը թող նկատի առնէ, դասէ և վճռէ : Նամակները ամբողջովին ձեռքս են, պատրաստ եմ ամէն ժամ ներկայացնելու պահանջուած պաշտօնատան և ազգային իշխանութեան, մինչեւ իսկ եթէ Պանտրմա գանուիմ : Թող բարեհաճին ձանձրութիւնը յանձն առնել զիս կոչելու, պատրաստ եմ մինչեւ Պոլիս գալ անձնական ծախքովս :

Տէրունեան էֆ . թող զգուշանայ իր գործակատար Մանուկին և անոր մէկ քանի արբանակներուն զապասալիուքեան վատանլով զիւղին մէջ խոսովութիւն արծարծելէ թող չվրդովէ խեղճ զիւղացոց անդորրութիւնը : Իրեն անձնուէր 2-3 մարդիկ կան, որոնք ատրճանակներով զինուած, կը գոռան կը ճչեն զիւղին մէջ, կանխելու կտրելու սպառնալիքներով . ասոնք տղայամբա միջոցներ են : Տէրունեան էֆ . թող չփոռնայ որ մեր ամէնէս վեր օրէնք մը կայ և թէ այդ օրէնքին թաթը կրնայ երկարիլ ոչ միայն մինչեւ անոնց, և թէ այդ օրէնքին թաթը կրնայ երկարիլ, առանց իր կամքին, այդ մարայլ նաեւ մինչեւ իրեն : Որովհետեւ, առանց իր կամքին, այդ մարդիկը քայլ մը անգամ չեն կրնար առնել :

Երկրորդ՝ թող պարապ տեղը Պատրիարքարանը անհանգիստ չընէ, որովհետեւ Պատրիարքարանը որ աղքատներուն և ժողովուրդին պաշտպանն ու խնամակալն է, չեմ կարծիր որ խեղճ անոք զիւղացիին ձեռքէն առնէ այն հացը զոր իր քրտինքով ձեռք բերած է և Տէրունեան էֆ . ի տայ, կամ զիւղին իրաւունքը յափշտակելու զիջանի : Պատրիարքարանը Տէրունեան էֆ . ի շահադիտական ջանքերը ապահովելու միջնորդ չէ, այլ պաշտպանն ու միակ խնամակալն է խեղճ անպաշտպան զիւղացիներուն որոնք հազիւ փրկուած են քսան տարուան դերութենէ մը :

Ինք պաշտպանն է անոնց իրաւանց և իր կարգին դատախազ մըն է Տէրունեան էֆ . ի զէմ որ կ'ուզէ կապտել զիւղացոց արդար իրաւունքը :

Տէրունեան էֆ . սկիզբէն արդէն սխալ գործեց, և յամառեցաւ այդ սխալին մէջ, հակառակ անոր որ քանիցս զգացուցի իրեն թէ ըրածը սխալ է : Ամէնէն աւելի ես էի իր օգտին աշխատողն ու իր պաշտպանը, բայց իր օգուտը քարակոյններու օգտին մէջ նշմարեցի, իր և քարակոյններու օգուտը հաւասար նկատեցի : Եթէ ինք լաւ մտածէր, ինք ալ իր շահը կը նոյնացնէր զիւղացոց շահուն հետ : Եւ այդպէս վարուելով ալ դարձեալ ինք շատ խոշոր բաժին մը կրնար ապահովել իրեն : Ինք սակայն ուղեց ամէն բան իրեն միայն ապահովել և ոտնակոխ ընել ուրիշ ամէն շահ, որքան ալ նուիրական և անբռնաբարելի ըլլային : Անա թէ ինչո՞ւ իրեն զէմ կը գըտնուիմ այսօր, հակառակ անոր որ իրեն հետ գտնուելու աւելի շահաւոր կրնար ըլլալ ինձի :

Այսպիսի պարզ և ակնհերեւ ճշմարտութիւն մը ինչպէս որ անկարող գտնուեցաւ տեսնելու և բժբանելու, նոյնպէս չկրցաւ օգտուիլ իմ տուած խորհուրդներէս, և գործը մինչեւ այս տեղուանքը հասցուց :

Ինք խեղճ զիւղացոց անդորրութիւնը վրդովեց, թոյն խառնեց անոնց հացին, պատճառ եղաւ որ երեսի վրայ մնայ օճագներու սեփականութեան խնդրին հետապնդումը, քանի որ զիւղին իրաւունքը վերջնականապէս հաստատելու համար զեռ պէտք կայ աշխատութեան և դժուարին ճիզերու : Ապացոյցը սա է որ այս ու այն կողմէն շարունակ ոտնձգութիւններ կ'ըլլան այդ օճագներուն մէջ և զիւղացիք կը նեղուին : Այս խնդիրը վերջնականապէս մաքրելու համար տակաւին առնուազն երկու տարուան աշխատութեան պէտք կայ, և եթէ այդ աշխատութեան չէ ձեռնարկուած, միակ պատճառը Տէրունեան էֆ . ն է : Դարձեալ իր պատճառովն է որ այսօր զիւղացիներէն 23 հողի հինգական ոսկի տուգանքի և 80,000 քարի փոխարժէքը հատուցանելու դատապարտուեցան : Պէտք կ'այ յիշեցը-

նելու իրեն թէ գիւղացւոց համար կործանման համարժէք է ասիկա :
Եթէ ինք և իր գործակատարը, առանց աղքատներու իրա-
ւունքը ռանակոխ ընելու, հանդարտօրէն ուղղամիտ ընթացքի մը հե-
տեւէին, մինչև ցարդ թէ գործերն ամբողջովին աւարտած պիտի ըլ-
լային և թէ գիւղացիք հանդիստ պիտի մնային :

Գիւղացւոց արդի վիճակը սակայն շատ հեռու է հանդիստ ըլ-
լալէ, և ասոր պատճառը, կը կրկնեմ աւելորդ անգամ մըն ալ, Տէ-
րունեան էֆ.ն է : Ես այս պարագան ապացուցի փաստերով : Թող
Տէրունեան էֆէնտի ալ, ինծի պէս ճակատարաց երեւայ հրապարակի
վրայ, փոխանակ կողմնակի միջոցներով քիչ մը աւելի դառնացնե-
լու գիւղացւոց արդէն խկ տխուր վիճակը :

Եւ եթէ չուզեր հրապարակ իջնել, ես միշտ պատրաստ եմ իրեն
հետ դատուելու ո՛ր և է անկողմնակալ ժողովի առջեւ, և ապացու-
ցանելու բոլոր գրածներս :

Կը սպասեմ իր կամքին :





